



UNIVERSITÄTS-
BIBLIOTHEK
PADERBORN

Annales Episcoporum Slesvicensium

Cypraeus, Johann Adolph

Coloniæ Agrippinæ, 1634

Historiæ Slesvicensis Liber Tertius.

[urn:nbn:de:hbz:466:1-64615](#)



HISTORIAE SLESVI- censis LIBER TERTIVS.

C A P V T I.

CHRISTIANVS I. Cognomine Diues Rex Daniae
94. An. Christi 1449. Norvvegia Anno Christi 1450.
& Suecia post Carolum profugum cum ærario regni Anno
Christi 1457: quæ tamen paulò post Anno Christi 1469. ab
ipso desciuit. Dux Slesuici & Holsatiae, &c. Natus anno Chri-
sti 1426. Holsatiae Comitatum per pactum & liberam cesso-
nem ad se delatum Anno 1460. in Ducatum transmutari,
ut & Dithmarsiae Feudum in peregrinatione Romana à Fri-
derico Tertio Imperatore obtinuit Anno Christi 1474: nec
non Ducatus Slesuicensis in Adolpho expirans Feudum, cum
Regno Daniae consolidauit. Academiam Hafniensem funda-
uit Anno Christi 1478. Viduam Christophori Regis Daniae
Dorotheam, Marchionis Brandenburgici Hans (cuius fra-
ter Albertus Achilles Germanicus cognominatus) filiam in
vxorem duxit Anno Christi 1450. que obiit Anno Christi
1495. Ille autem rebus humanis excepsit Anno Christi 1481.
21. Maij. Roschildiae sepultus. Liberi huic fuerunt Fride-
ricus Rex Daniae &c. (de quo postea) Margareta Iacobo
Tertio Regi Scotiæ nupta Anno Christi 1469. Olaus natus
Anno Christi 1449. qui mox expirauit, Roschildiae sepultus,
& Iohannes Rex Daniae. &c. (de quo postea)

Ric' o Danorum Rege vitæ huius munere perfuncto, cum absque liberis ac hæredibus discessisset, Proceres ac Senatores Regni Daniæ, Adolpho Duci Slesuicensi, Regni Daniæ Vasallo, vnanimi consensu, Regni imperium administrationem deferunt. Qui ex una parte, Regni onera ac molestias, ex altera parte virium suarum imbecillitatem, ingrauescentisque iam ætatis tedium ac difficultatem secum expendens, sceptrum imperij delatum honestè & modestè deprecatur ac abnuit. Ut autem nihilominus honestæ eorum petitioni ac desiderio aliquo modo satisfaceret, ac Regno Daniæ, Capite ac Gubernatore iam destituto ac orbato, optimū Regē prouideret ac circumspiceret, sororis suæ Hedwigis, ac Theodori Comitis Oldenburgensis filium à se educatum, Christianum, cuius ingenium ac indolem, eximiasque ac præclaras virtutes iamdudum fatis cognitas ac perspectas habebat, de meliori nota illis commendauit & prædicauit. Huius itaque Adolphi commendatione, nec non Heroicarum ac præstantissimarum Christiani virtutum, Animi celsitudinis, rerum gerendarum peritiæ ac experientiæ, severitatis morum ac disciplinæ, cum summa animi moderatione ac clementia coniunctæ consideratione ac intuitu commoti, præfatum Christianum Oldenburgensem & Delmenhorstæ Comitem, vnanimi suffragiorum consensu Regem crearunt & elegerunt. Qui simul ac Regni honore ac munere est potitus, initio statim suæ dominationis talem se præsttit, vt & Adolphi commendationi, & omnium spei & expectationi abundè satisfaceret ac responderet. Nam insignem se esse CHRISTIANVM & Nomine & reipsa clarissimè demonstrauit.

Chri-

Christum enim, cui primum Nomen in Baptismo dedit, toto corde & anima dilexit, eiusque in his terris Vicarium, Romanum Pontificem, cui animarum salus & Ecclesiarum gubernatio à Christo commissa, nec non Episcopos Regni debito honore ac veneratione est prosecutus: Ecclesiæ multa benè fecit, vitamque vero Christiano dignam, ac tanta Maiestate decoram in his terris transegit. Cumq; vita Christianorum ita comparatum sit, ut quamdiu in his terris militemus, cuiusuis generis cruci, calamitatibus, aduersitatibus, bello ac turbis obnoxij simus, eandem quoque sortem ac fortunam Rex Christianus abundè expertus est. Coronam Sueciæ, fœdere ac pacto Reginæ Margaretæ ætate sancito ac confirmato, sibi debitam, cum summo labore ac difficultate est adeptus, multis ex Suecis Exterorum Dominationem ac Principatum iampridem pertensis, eam ipsi summoperè inuidentibus, dubiamq; ac ambiguam facientibus, Carolo quoq; Canuti filio cā affectante ac ambiente. Varijs ac multiplicibus huiusmodi impedimentis ac difficultatibus interuenientibus, summo opere ac labore Coronam adeptus est. Qua tandem obtenta, ægrius adhuc longeq; difficilius illi fuit, eandem retinere ac conseruare, Suecis subinde rebellantibus, quos bello subigere ac compescere, necessitate, inuita quamvis voluntate, coactus fuit. Ita Christiani huius Regnum ac imperium maxima ex parte valde turbulentum ac inquietum fuit. Quas tamen molestias ac turbas quetus admodum, tranquillus, & optatus exitus tandem exceptit ac consecutus est: ita vt tandem bellorum pertensis, totum se pietatis studio deuouerit & consecrauerit, cuius amore ac desiderio Christianus Rex tantoperè flagravit: vt anno 1474. longum ac difficile iter Romam versus, Summi Pon-

tificis Romani, Sixti IV. Vicarij Christi & Capitis Ecclesiæ, ante suum ex hac vita discessum visendi ac colloquendi gratia, læto ac hilari animo suscepit ac confecerit. Quò cum ventum, à prædicto D. Pontifice honorificentissimè exceptus & habitus, rosaq; aurea donatus ac decoratus fuit. Roma vterius in Terram Sanctam pietatis ac deuotionis studio proficii decreuerat, sed consilium certis ac vrgentibus dæ causis postea mutauit, & Romæ hospitale vel Xenodochium sancti Spiritus in Saxonia non procul à Palatio & Ecclesia Diui Petri edificauit. In itinere autem Romam versus, Christianus Primus simul quoq; Fridericum tertium Imperatorem, Rotenburgi tunc temporis commorantem, insalutatum præterire noluit, à quo summo honore perquam honorificentissimè exceptus, nouaq; insuper Dignitate, ac Privilegiorum donatione, auctus ac ornatus fuit. Dithmarsicam enim Gentem, hactenus rebellem, seditiosam, libertate gaudentem, nulliusque ferè Imperium ac Iurisdictionem agnoscentem, eius imperio ac potestati omnimodo ac plenariè subiecit, Holsatiæ quoq; nec non Stormariæ & Dithmarsiciæ Comitatum, novo Ducatus titulo ac honore donauit ac decorauit: literisq; solennibus hanc donationem sanciuit & confirmauit. Atque ita Rex Christianus vtroque Capite Ecclesiæ & Mundi, peramanter ac honorificè in itinere ac peregrinatione sua Romam versus, inuiso ac salutato, saluus ac incolumis domum reuertitur.

De his Reuerendus Pater, Abrahamus Bzouius in Continuatione Annal. Ecclesiast. Illustrissimi ac Reuerendissimi Domini Cæsaris Baronij. S. R. E. Cardinalis &c. in Ann. 1474. sic inquit: *Venit eodem anno ad Festam Paschatis Romam Christiernus Rex Dacarum, Eum summis honoribus Cardinales exceperunt. Turba omnis*

Curia-

Curiālis egressa est ei obuiam: Patres ad portam congressimēdium illum per Vrbem ad Basilicam S. Petri, inde ad Pontificem perduxerunt, iuri dicundo tunc publicē praeſidentem. Religio summa in summo Rege enituit. Procubuit in genua ante illius pedes, nec ante ſe eleuari eſt paſſus, quam ſermonibus ſuis eſſet reſponſum. Redunti in cubiculum Sixto, exēuntiq; ad Diuina ſacræ Hebdomadæ dierum, gremialia eius ſemper portauit. Lauanti manus peluim ſuſtinuit. Inter duos primos Cardinales ſeffum receptus, non prius ſedere, nec prius tegi voluit, quam vtrumque ab vtrog, factum eſſet &c. Papiensem alterum ex duobus illi aſſidentem rogarī per Interpretēm fecit, vt paterentur poſt omnes Cardinales ad oſculum crucis eum ascendere. Erat enim hæc dies Parasceue: cum ille rogarēt cur ita depoſceret. Ut habeatur inquit iuſtus honos ſummo Senatui. Plura huiusmodi illo ſolo tri-duo ſacrosancto ab eo præſita Apoſtolicae ſedi, in quibus Trium Magnorum Regnorum Rex, à Septentrionibus ve-niens, Italij & reliquis, quo animo eſſe in ſummum Sacerdo-tium debeant, exemplō ſuo edocuit. Papienſ. epift. 556. Hæc ibi.

Huius quoq; Christiani primi Regis Daniæ tem-pore, Ducatus Holsatiæ, ſine vlla contentione, bellicis motibus, ac ſanguinis profuſione Anno 1460. Regno Daniæ annexus & ſubiectus fuit. Idque longè antè, cura Adolphi adhuc in viuis exiſtentis, ac de hoc ne-gocio cum Nobilitate, cæterisque Holsatiæ ordinib; agitantis ac transigentis, ita decretum ac conſtitutum erat, qui ſuo conſilio author fuit, vt ſe ē viuis ſublato, Christianum Daniæ Regem, cui (vt non-nulliſ placet,) Ducatus Slesuicensis veluti directo Domino, ex iure Feudi competeret, pro Holsatiæ etiā Domino reciperenſ ac cognofcerent, ſuamq; hac de re voluntatem ac conſenſum literis publicis ac ſo-lennibus firmarent ac profiterentur. Peperit hæc res
initio.

initio non nihil dissidij, animorumq; diuortij, præcipue inter Nobiles Holsatiæ : quibusdam Comitum Schovvenburgensium partibus studentibus : non nullis è contrario Regi fauentibus ac patrocinantibus. Ex parte Schovvenburgensium , qui intercesserunt electioni Regis , fuit imprimis Henricus Pog-
vvisch cum suis consortibus: qui tam iure agnationis, quam fœderum ac pactorum inter illos initiorum ratione ac firmitate , Ducatum Holsatiæ ad Comites Schovvenburgenses , tanquam proximos masculæ ac virilis stirpis agnatos , ac sexto gradu à communis stipite distantes , iure meritoque pertinere existimabant. Vrgebant præterea transactiones & pacta, olim vtrinque inita , sancta , ac confirmata, quibus, post Adolphi Wagriæ Domini postremi beatum ex hac vita discessum , inter agnatos Nicolaum Comitem Holsatiæ, & ex Fratre Nepotes , Gerhardum Ducem Slesuicensem, Albertum & Henricum Fratres, Henrici Ferrei filios ab una , & Ottонem Comitem Schovvenburgensem, & Adolphum, ac Wilhelmum, ab altera parte ita conuentum & transactum: vt Ottoni & ipsius filijs, non solum omnia sua prædia, ædificia, ac possessiones , quæ in & circa urbem Schovvenburgensem haberent ac possiderent , ac Insulas Albi adiacentes , & Billæ pratum, & Nilandiam ad Albim, & Curiam Adolphi Wagriæ ex aduersum cœmiterij D. Nicolai , in urbe Hamburgensi sitam , & 8000. marcas Holsati legant ac relinquunt , verum insuper se inuicem ad mutuam vunionem, defensionem, sui ac hæredum successionem , in suis Ditionibus, ac bonis Feudalibus non alienandis , firmiter obligant ac deuinciunt.

Contra vero Nobilissima & Vetustissima Rantzouianoruim familia , è qua tunc temporis vixit Dethleus Ran-

Rantzovv Dominus in Neuersdorp , Ecclesiæ Lubecensis Canonicus , qui Kalend. Febr. anno 1465. obiens , cum Patre suo Henrico milite anno 1464. 5. Martij defuncto , Lubecæ in summa æde sepultus est , è qua Generosissima ac Antiquissima familia adhuc præter alios nobilissimos Viros eiusdem familie superest Dethleuus Rantzovv Eques, propter Generis Nobilitatem , personæ grauitatem, officij Authoritatem, rerumq; gerendarum usum & experientiam totius Nobilitatis Holsatice illustre Decus ac Patriæ ornamentum, Regis Daniæ Christiani IV. Consiliarius, & Praefectus in Steinborg, &c.) in publicum consulentes , Regis partes defendendas suscipiunt, secumq; expendunt , quod nimurum hæc intima ac arctissima utriusque Ducatus Slesuicensis & Holsatiæ cum potentissimo Regno Daniæ Vnio & coniunctio, & Regno & Ducatibus firmam ac constantem pacem & concordiam , clientibus quoque & subditis maxima commoda summamq; utilitatem allatura esset: ex aduersum autem magno cum periculo ac detimento vnius ab altero auulsionem ac separationem coniunctam esse: simulque sibi in memoriam reuocant, quam grauissimorum ac acerrimorum bellorum, hæc diuulsio ac separatio , olim causa ac fomes extiterit. Quibus incommodis hac vna via præueniri posse existimabant , vt Regnum Daniæ ac Ducatus Holsatiæ , quæ haec tenus diuulsa ac separata fuerant, amicè consociarentur atque vnirentur: atque vnius Imperio subiecta , vnius capite , consilio , ac iudicio gubernarentur ac administrarentur. His rebus itaq; diu multumq; utrinque agitatis, tandem interueniente arbitrio ac moderatione Arnolphi Episcopi Lubecensis , requisitis simul & adhibitis vicinarum Urbium Lubecæ & Hamburgi legatis , Oldesloï conuentus instituitur , ibidemque post longam ac diutinam deliberationem totum hoc negotium inter partes dissimilatas

dissidentes ita placide & amicè compositum ac transactum fuit: vt Otto Comes Schovvenburgensis, quoniam ita saluti & incolumenti Regni ac Ducatum expedire videret, sponte ac voluntariè omni iure suo, quod in Ducatu Holsatiæ sese habere existimaret, omnino cederet, ac Regi traderet ac concederet: Rex vicissim pro huiusmodi liberrima ac spontanea iuris ac Priuilegiorum cessione, syngraphum de 41500. aureis Rhenensibus certis terminis persoluendis manus sua subscriptum, sigilloque Regio munitum ac confirmatum iterum traderet. Id quod vtrinque factum: Cessionisque literas Solennes, ac renunciationis omnis Iuris ac Priuilegiorum in Ducatu Holsatiæ super hoc negocio confectas, Otto Comes Schovvenburgensis cum filijs subscribunt, Sigillorumq; appensione confirmant.

Rebus hisce ita compositis, tandem Anno 1460. post mortem Adolphi, Dani & Holsati Fidem ac Iurandum Christiano Primo Regi Danorum dederunt, quibus vicissim Christianus Primus, antiqua Iura, Priuilegia, Statuta ac Consuetudines literis solennibus confirmat, & inter cætera sanctè promittit. Nunquam se in scÿs ac in consultis utriusq; Prouincie præribus ac statibus arma capturum, aut expeditionem quodquam suscepturnum esse: singulis quoque annis, stato tempore, adhibitis in consilium Proceribus, ac constitutis Consiliariis se comitia habiturum ac indicturum esse, in Holsatia Bornhouedæ, in Ducatu vero Slesuicensi Vrnehouedæ: ubi cause Nobilium, reliquaq; negocia, salutem ac incolumentatem harum regionum spectantia, cognosci ac tractari debent: Feuda, officiaq; publica tam Ecclesiastica quam Politica Nulli Exterorum aut Alienigenarum, sed eorum Praefeturam ac administrationem solis Incolis ac Indigenis se dari ac committirum esse, solo tamen Cancellario scribis

bis exceptis: nullos Praefectos ac Satrapas se arcibus suis p^raefecturum aut dimissurum esse, nisi Procerum & Consiliariorum Prouincialium consilio ac consensu. Regem peregr^e abeuntem Episcopo Slesuicensi ac Lubecensi, & quinis ex Ducatu Slesuicensi & Holsatia delectis, publicam omnium rerum curam ac administrationem commissurum esse, qui eius vicem obeant. Neque coniugi suae, nec vllis exteris aut incolis, nisi consentiente ac approbante Senatorum consilio, vlla pr^adia, bona, ac facultates daturum aut concessurum: Nullam monetam aut monet^a premium statuturum aliud, quam Lubecæ ac Hamburgi usurparetur aut reciperetur: sⁱ Regi, illiusue posteris vnus tantummodo filius superstes fuerit, qui Rex Daniæ futurus: tunc Holsatia ac Slesuicensibus Proceribus ac incolis integrum ac liberum permitti, illunz Ducem Slesuensem & Comitem Holsatiae eligere. Electus omnes hosc articulos & Priuilegia à Christiano concessa sancita & confirmata, ipse etiam de integro confirmare, augere, & Iurisurandi Religione se illa integra ac inviolata conseruaturum, spondebit ac sancte pollicebitur, idq^u polliceri tenebitur. Quod si facere recusauerit, liberum illis erit & permisum, alium ex proximis illius Agnatis Dominum eligere & creare. Hos articulos ita literis consignatos Rex Christianus pro se ac successoribus Kiloniæ obsignauit.

Hic Christianus primus confirmauit quoque Priuilegia Episcopis Slesuicensibus data Anno 1460. vt ex literis super ea re confessis patet.

Placet hic subijcere Epitaphium Dethleui Rantzovv, quod vetustate corruptum Henricus Rantzovv Regius in Holsatia Legatus instaurauit. Anno Domini 1575. ætatis 50.

Ordinis est sacri Dethleuus adeptus honorem,

Qui sua de Canonum nomina iure tenet.

Qua colitur pulcra templum Cathedrale Lubeca,

Quaq^u frequens largas ara ministrat opes.

Hic

Hic sua tranquillæ traduxerat ocia vitæ,

Consilio præstans, ingenijq; bonis.

Sæua trucis genitor tractauerat arma Gradiui;

Henricus celebri nomine vectus Eques.

Cum Patre iam dormit socia Dethleuus in vrna,

Qua sacra Baptismi sacra replentur aqua.

C A P V T II.

A sene Niclao fasces deposcere cœpit

Cum mitra Helricus, flamen ut esse queat.

Omnia huic æqua spondens se lance daturum,

Fluxa senem cogit postea flere fides.

HAc tempestate Anno 1477. Vir Nobilissimus Helricus von der Wisch / Episcopus Slesuicensis creatus ac designatus est, (ex qua Nobiliſſima ac Antiquiſſima in Holsatia Familia von der Wisch / præter alios strenuos ac insignes Viros eiusdem Generis ac Familiae adhuc in viuis superest, Georgius von der Wisch Vir magni Consiliij, ac rerum gerendarum peritiſſimus : Illuſtriſſimi Principis Slesuici & Holsatiae, &c. Domini Friderici, Domini mei Clementiſſimi Consiliarius ſummus atque intimus, Præfectus Aulae ac Diœceſis Gottorpiensis, vnuſ ex reliquis meis olim Parœcis Viris Nobiliſſimis ac Strenuis, Aulae Officialibus ac Ministris, mei ante hac, & vt ſpero de hinc amantissimus, & me meisq; præclarè meritus : cui viciſſim, vt & omnibus conterraneis meis dilectiſſimis, exemplo popularis noſtri Episcopi huius Slesuicensis Helrici von der Wisch/hominis Antiqua Religione ac Holsatica Fide, itidem antiquæ ac auitæ Religionis ardens ſtudium ac desiderium, Spiritus sancti

sanc*ti illuminationem, ac eiusdem gratia ac auxilio veram ac synceram Diuinæ veritatis cognitionem, rectam fidem. &*
 per eam æternam beatitudinem ex animo precor atque ex-
 opto,) idq; ex libera resignatione Domini Nicolai
 Wulfij, qui propter senectutem eo se munere abdi-
 carat: certis tamen conditionibus: inter quas vna hæc
 erat, vt quotannis Nicolao pensionis nomine certam
 pecuniæ summam solueret, vnde se alere ac sustentare
 posset, quam integrum etiam septennium fideliter
 dependit ac persoluit. Nam totidem annos Nicolaus
 à cessione Episcopatus, adhuc in viuis fuit. Hic Epi-
 scopus Helricus von der Wisch aliquot annos in ser-
 uierat Christiano Primo, & Regi Ioanni, quorum
 præsidio ac patrociniio Episcopatum Slesuensem
 adeptus erat. Postquam autem Episcopus factus, sep-
 tem mille marcas fœnori accepit, & Episcopatum
 oppignorauit & obœravuit, quem paulo ante Nicolaus,
 omni ære alieno, quo obstrictus erat, liberasset,
 omnia nomina quæ Ecclesia debebat, soluedo. Inter
 alia autem bona, etiam Decimæ in præfectura Tun-
 defensi, pignori oppositæ fuerunt. Etsi autem Hel-
 ricus eo nomine culpandus esse videatur: interim ta-
 men de Capitulo benè meritus est, vt cuius consilio
 ac opera, Capitulum prædia, villas, ac rura in Hesel
 consecutum est & adeptum. Nam hoc negotium uni-
 cè ipsi cordi fuit, ipsoq; Authore feliciter confectum.
 Qua de causa & eius memoria nobis sancta & conse-
 crata esse debet.

Anno 1474. Sixtus Pontifex, literis datis ad Helri-
 cum Episcopum, settè mandat, vt à duobus vel tri-
 bus Episcopis accersitis, munus consecrationis reci-
 piat, & iuramentum Fidelitatis præstet ea forma,
 quam illi Pontifex præscribit. Exemplum literarum
 subiijcimus. *Sixtus Episcopus Seruus Seruorum Dei, Dilecto*

filio Elrico, electo Slesuicensi, salutem & Apostolicam benedictionem. Cum nos pridem Ecclesiae Slesuicensis, Pastoris regimine destituta, de Persona tua nobis & Fratribus nostris, ob tuorum exigentiam meritorum accepta, de Fratrum eorundem consilio, autoritate Apostolica duxerimus prouidendum, praeficiendo te illi in Episcopum & Pastorem, prout in nostris inde confessis literis plenus continetur. Nos igitur ad ea, quae ad tuae commoditatis augmentum cedere valeant, fauorabiliter intendentes, tuis supplicationibus inclinati, tibi, ut quocunque malueris Catholico Antistite, Gratiam & communionem Apostolice sedis habente, accitis, & in hoc sibi assistentibus duobus vel tribus Catholicis Episcopis, similem gratiam & communionem habentibus, munus consecrationis recipere valeas, ac eidem Antistiti, ut recepto prius per eum nostro & Romanae Ecclesiae nomine a te fidelitatis debitae solito iuramento, iuxta formam praesentibus annotatam, munus praeditum impendere liberè tibi possit, plenam autoritatem concedimus, earundem praesentium tenore facultatem. Volumus autem, & autoritate predicta statuimus, & decernimus, quod si non recepto a te per ipsum Episcopum dicto iuramento, idem Episcopus munus ipsum tibi iniurare, & in illud suscipere praesumpserit, dictus Antistes a Pontificali officiū exercitio, & tam ipse quam tu ab administratione tam spiritualium quam temporalium Ecclesiarum nostrarum suspensi sitis eo ipso. Præterea volumus ad formam huiusmodi a te nunc praestiti iuramenti nobis de verbo ad verbum, per tuas patentes literas tuo sigillo obsignatas per proprium nuncium quantocius destinare proculres. Quodq[ue] per hoc Venerabili Fratri nostro Archiepiscopo Lundensi, cui prefata Ecclesia Metropolico iure subesse dignoscitur, nullum imposterum præiudicium generetur. Forma autem iuramenti, quod præstabis, haec est. Ego Clericus Electus Slesuicensis ab hac hora in antea fide-

fidelis & obediens ero B. Petro, Sanctæq; Apostolicæ Romanæ Ecclesiæ, & Domino nostro, Domino Sixto Papæ IV. suisq; successoribus Canonicè intrantibus. Non ero in consilio aut consenſu vel facto, vt vitam perdant aut membrū, seu capiantur, aut in eos violētæ manus quomodolibet ingerantur, seu iniuriæ aliquæ inferantur, quo quis quæſito colore. Consilium vero, quod mihi credituri ſint per ſe, aut nuncios, seu literas, ad eorum dampnū me ſciente nemini pandam. Papatum Romanum & Regalia S. Petri adiutor ero ad retinendum, & defendendum contra omnem hominem. Legatū Sedis Apostolicæ in eundo & redeundo honorificè tractabo, & in suis necessitatibus adiuuabo: Iura, Honores, & Pritiilegia, & Authoritatē Romanæ Ecclesiæ Domini nostri Papæ & Successorum prædictorū conſeruare, defendere, amare & promouere curabo. Nec ero in consilio, vel in facto, seu in tractatu, in quibus contra ipsum Dominū nostrū, vel eandem Roman. Ecclesiam aliqua ſinistra vel præiudicia, Personarū, Iuris, Honoris, Status & Potestatis eorum machinentur: & ſi talia à quibuscumq; tractari nouero vel procurari, impediā hoc pro poſte, & quantumcū potero commode significabo eidem Domino nostro vel alteri, ad quē poſſit ad ipsius notitiam peruenire. Romanorū S. Patrum Decreta, Ordinationes, Sentētias, Dispositiones, Reseruationes, Proutiſiones, & Mandata Apostolica totis viribus obſeruabo, & faciā ab alijs obſeruari. Hæreticos, Schismaticos, & Rebelles Dn. nostro vel successorib. pro poſſe perſequar & impugnabo. Vocatus ad Synodum veniā, niſi præpeditus fuero Canonica præpeditione. Apostolorū līmina, Romana curia existente, circa ſingulis annis, ultra vero montes ſingulis biennijs per meipſum viſitabo. Et ſi poſt primam viſitationem personaliter factā,

aliquo legitimo impedimento præpeditus, personâ ter venire non potero, per aliquem fidum nuncium de gremio meæ Ecclesiæ, aut alium in dignitate constitutum, seu alias personatum habentem, & de statu Ecclesiæ bene instructum, qui vice mea, Apostolico conspectui se præsentare, & de legitimo impedimento huiusmodi saltem per iuramentum legitimum, fidem facere teneatur. Id autem implebo. Possessiones vero ad mensam meam pertinentes, non vendam, neque donabo, neque impignorabo, vel de novo infundabo, vel aliquo modo alienabo, etiam cum consensu capituli Ecclesiæ meæ, inconsulto Pontifice Romano. Sic me Deus adiuvet & hæc sancta Dei euangelia. Datum Romæ apud sanctum Petrum, anno incarnationis Dominicæ Millesimo quadringentesimo septuagesimo quarto. Tertiodecimo Maij. Pontificatus nostri anno Tertio.

Ex his colligitur primò, Pontificem Ecclesiæ Slesuicensi Episcopum prouidisse, & Helricum huic muneri destinasse; idque, ut fertur, de consilio Regis & Ducis ut paulò ante notauimus. Deinde Slesuicensem Episcopum Romano Pontifici, fidem & iurandum dedisse, eiq; obstrictum fuisse. Iuramenti capita multa sunt, sed vnum memorabile & notatu dignum, quod Episcopus iuratus promittit, se nihil quicquam de bonis, aut prædijs Ecclesiasticis alienaturum, ne quidem consentiente Capitulo, sine Pontificis ratihabitione & consensu. Quod si semper obseruatum fuisset, minus laboraremus, & Episcopatum auctiorem haberemus.

Hic itaque Helricus Episcopus pensionarius sedit annos septem (nam totidem Nicolaus vixit postquam cessisset Episcopatu) & annis septem liber, vt pensionem nullam solueret. Tandem autem Lubecæ

è viuis

et viuis excessit Anno 1488. Decimo nono Aprilis, die Sabbati. Slesuici sepultus die S. Georgij. Quamuis sepulchrum aut lapis nullus, quod sciam, extet, eius nomine insignitus. In choro tamen Cathedra Episcopalis ex calce conflat, eius insignia continet, lupis nimirum insignita, ut verisimile sit, eam eius iussu confectam & adornatam esse; sed & fenestræ quædam in Choro extant, quas ille conficiendas curauit.

Anno 1461. Hamburgenses Homagium Regi Christiano præstare recusabant: quamuis obedientiam & submissionem promitterent. Anno 1471. die Trium Regum mare inundauit maximè Frisiam & Dithmarsiam ruptis aggeribus. In Dithmarsia ad Aquilonem damnum maximum datum est. Anno 1476. emit Capitulum Slesuicense prædium Hackstendense, vna cum rure à Metta Soesteden de Buckhauen. Bona illa maioris & carius estimata & empta fuerunt, quam prouentus annui ferre, & coloni soluere possent. Qua de causa multum de annuis pensionibus Capitulo remissum fuit. Anno 1480. Christianus cum Dithmarsis agere & tractare cœpit, vt sese dederent, quod eos Imperator Fridericus Regi Daniæ subiecisset.

C A P V T III.

IOANNES Christiani primi filius Rex Daniæ 95. Norvægia Anno Christi 1483. & Sueciæ Anno Christi 1497. Natus Anno C. 1455. Licet Meldorfum in Dithmarsia expugnauerit, postea tamen superatus multis desideratis, utpote duobus Comitibus Oldenburgenib[us], Ottone & Adolpho, 67. Nobilibus & aliis, vix vitam ipsem et seruauit Anno Christi 1500. 17. Febrary. Vxor CHRISTINA, filia Ernesti Electoris Saxonici, nupta Anno Christi 1478.

B b 3 nata

nata Anno 1461. mortua Anno 1521. à Suecis deficien-
tibus, Vrbe Stockholm occupata, retenta post biennium
tandem liberatur Anno 1503. quam iniuriam vlturus Rex,
varia prælia contra eosdem instituit; sed negotio infecto.
Obiit Alburgæ in Iutia Anno Christi 1513. Ætatis 58. sepul-
tus Ottonie. Liberi huic fuerunt ELISABETHA nata
Anno Christi 1483. Ioachimo Secundo Brandenburgensi,
Anna Friderici Primi coniugis Fratri nupta Anno Christi
1501. FRANCISCVS natus Anno Christi 1497. in ado-
lescentia mortuus. CHRISTIERNVS Rex Daniæ 96. &c.
(de quo postea.)

DEfuncto Regi CHRISTIANO, Filius eius
Ioannes in Regni Daniæ administratio-
ne ac Imperio succedit, indole, ingenio,
moribus, veræ pietatis, Catholicæq; Fidei
ac Religionis propagandæ ac defendendæ amore ac
desiderio, nec non animi fortitudine, iustitia ac cle-
mentia, parenti non multum dissimilis. Qui in ipso
Regni sui auspicio, nihil hac cura sibi prius ac anti-
quius habuit, quam vt insignem, verèq; auream ac
Regiam Coronam, ex ternis Amplissimorum ac Po-
tentissimorum Regnum Daniæ, Norvvegiæ, &
Sueciæ folijs ac floribus præclarè splendideque con-
textam, eiusdemque fœderis, societatis, pacis ac con-
cordiæ, firmissimo vinculo vnitam ac colligatam, in-
tegram, saluam, vircentem ac florentem retineret & ad
posteritatem transmitteret. Obtentis ex animi sui
sententia Regnum Daniæ ac Norvvegiæ fascibus
regalibus, Regia Sueciæ quoque insignia, publi-
cis Calmarniæ indictis Comitijs, post longam de-
liberationem vnanimi Procerum consensu fuit
consecutus. Tam insigni ac ampla honoris ac digni-
tatis Corona ornatus ac decoratus, simul quoq; no-
uorum

uorum ac recentium onerum ac laborum quasi thalassia in summo illo Celsitudinis fastigio, vndiq; circundatus fuit: Suecis ab una parte iterum rebellantibus, Imperijq; Coronam antea impositam vicissim capiti eius detrahere annitentibus: ex altera parte Dithmarsis præfracte ac contumaciter iterum resistentibus, debitamque obedientiam ac obsequium præstare recusantibus ac detrectantibus. Harum itaque duarum rerum quam maximè cura ac sollicitudine afficiebatur, vt & Suecos inobedientes ac factiosos in ordinem cogeret, Coronæq; iterum subiiceret, & Dithmarsos contumaces ac refractarios compesceret, atq; sub iugum mitteret. Vtrumq; bello experiri necessitate coactus fuit. Quanquam rei euentus, belliq; exitus laudabili eius conatui ac proposito non omnino ex voto responderit. Nam Suecos oppugnaturus, dum copias vndique cogeret ac conscriberet, infelici admodum fato contigit, vt vrbs Regni Sueciæ primaria ac amplissima Stockholmum à Stenone obsidione cingeretur, cui etiam post durissimam biennij obsidionem inopia rei frumentariæ fese dedere coacta fuit. Qua deditio facta, simul infelicitas admodum atque inauspicato contigit, vt Regina quoque Dorothea, Regis Ioannis coniux, quæ tunc temporis grauida partiuque vicina, Rege marito absente, in ista vrbe commoraretur, à Stenone simul capta, & biennium captiuua illic detenta fuerit. Quamuis postea Raimundi Legati Summi Pontificis, & Lubecensium interuentu ac transactione, consentientibus ac hortantibus quoque ipsis Suecis, iterum in Daniam missa, ac Regi coniugi suo, à cuius complexu ac consuetudine tanto temporis spatio cum summo mœrore ac animi ægritudine auulsa fuisset, iterum reddita ac restituta fuerit. Quæ

Bb 4

post-

postquam in Daniam reuersa, atque è grauissima illa captiuitate in libertatem restituta esset, peculiare quoddam votum piè suscepit ac præstítit pro tam insigni beneficio ac liberatione Deo gratias actura: ac duo magnifica ac splendida Monasteriā in Dei gloriam ac sui memoriam, vnum *Hafniæ*, alterum *Ottoneiæ*, in usum Sacrarum Virginum ac Monialium *Sanctæ Claræ* consecrata, magnis sumptibus ac impensis extriū & ædificari curauit.

Exantlato hoc periculo, non minora quoque mala ac incommoda in Expeditione contra Dithmarsos Rex expertus est: dum optimis ac iustissimis belli causis confisus, insignem stragem edere: subditosq; rebellles, ac contumaces vi ac armis ad obsequium cogere animum induxisset, præter omnem spem & expectationem contigit, ut commissis inter se præliis, summa clade fuerit affectus, magnamq; ac ingentem copiarum tam Equitum quam peditum fecerit iacturam ac detrimentum, vt quos ipse vicere ac subigere decreuisset, isto prælio victores ac superiores euaderent. Quæ tamen inopinata ac insperata Dithmarsiorum victoria, non tam eorum virtuti, animique magnitudini, ac rerum bellicarum ac militarium peritiæ, quam terræ ac regioni eorum natura loci admodum militare, (quippe quæ in solo palustri ac lacunoso sita & propter viarum angustias ac fossarum multitudinem difficultem vndique habet accessum) accepta ferenda est.

Atq; ita pius ac optimus hic Rex Ioannes, æquam ac parem ferè, vitæ ac fortunæ sortem cum parente suo Christiano, Augustissimæ ac Laudatissimæ Memoriæ in his terris subiit, exemploque sui parentis, summam felicitatem maxima cum aduersitate conjunctam, summum honorem maximo labore ac onore

onere temperatum sustinuit ac expertus est. Quæ tamen omnia, prout sese res dederunt, fortiter ac patienter tulit. Victus saepius fuit corpore, non animo, atque ita Victus, ut etiam ipsi aduersi casus illi maiori fuerint honori, quā hostibus ac perduellibus Victoria: Tandem assiduis bellorum turbis ac molestijs fractus ac debilitatus, ad pietatis studia ac opera animum omnino appulit, atque ad Dei gloriam, suæque pietatis ac deuotionis memoriam æterno ac perenni quodam monumento posteritati prodendam ac consecrandam, tria Monasteria Franciscanorum Ordini dicata ac consecrata, Vnum Coagij. Alterum Malmogiae, Tertium Helmstadij in Dania erigi ac ædificari iussit: Academiam quoque Hafniensem à Parente fundatam ac institutam, nouis subinde muneribus, beneficijs, annuisque redditibus ac prouentibus Regia munificentia ac liberalitate magnifice ac liberaliter auxit & locupletauit, Viros vnidique locorum Doctissimos ac celeberrimos amplissimis stipendijs euocauit atque accersiuit: in Pauperum quoque ac egenorum alimenta ac sustentationem, multa benignè contulit ac ergauit. Quæ insignia ac laudabilia pietatis ac misericordiæ opera, benignissimus Deus præter alia, felici & exoptato ex hac vita discessu, cuius horam ac momentum animus antea illi præsagiuit, oculisque quasi præuidit ac prædixit, largiter ac abundè compensauit ac remuneratus est. Corpus eius mortuum Fioniæ translatum, illicque Ottoniæ in Cœnobio Franciscanorum sepultum fuit. Anno 1484 Iohannes Rex Daniae, Suetiae, Norvegiae, & Fridericus eius frater Dux Slesuici & Holsatiae confirming priuilegia Canonicorum Slesuicensium.

Aduena Egerdus erat, sed clarus Episcopus olim,
Cogitur idcirco plurima ferre mala.

Dum Romam repetit, Vidua est Ecclesia longe

Tempore, tunc hostis tristia dama dedit.

Mortuo Helrico Episcopo, Innocentius Octavus Pontifex Romanus Episcopatum Slesuensem Eggerdo confert. Hic Sacellanus Pontificis & auditor in Iudicio Rotæ, Romæ fuerat aliquot annos. Nam ita more antiquo & laudabili consuetudine in Ecclesia receptum erat, ut Pontifices pro ea, quam in omnes Christiani nominis Ecclesias, diuinitus sibi concessam obtinebant, authoritate ac potestate, in Episcoporum defunctorum locum, pro suo arbitrio alios surrogarent etiam non electos, idque ratione sui munieris ac vigilantiæ: ne Ecclesiæ viduatæ Episcopis & Pastoribus detrimenti aliquid acciperent. Canonici autem Slesuenses Nicolaus Junge, Leuo Leonis, Theodoricus Engelen, & Jacobus Semmelbecker, Emvvaldum Souenbroderum Episcopum suis suffragijs elegerant, eiq; Castrum Suauestrianum cum omni iurisdictione, villis ac colonis tradiderant. Quibus cognitis Alexander Pontifex, Innocentio mortuo, cum electoribus Canonicis expositulat, & excommunicationis poenam denunciat, ni pareant, & Episcopo Eggardo castrum vñà cum omnibus bonis in manus tradant, eique de omnibus damnis & iniuriis satisfaciant. Hæc inciderunt in Annum Domini 1492. Cuius summi Pontificis authoritati ac imperio prædictus Emvvaldus Souenbroder humilitet cessit, seque morigerum & obsequenter præbuit: atque ita abdicato à se Episcopatus munere ac officio, Egardo eius administrationem ac dignitatem concessit ac resignauit.

Sententia autem Excommunicationis ab Alexander Pontifice lata, his verbis concepta fuit.

Cum quidam perditionis filij, Emvvaldus Sonenbroder
Prapo-

Præpositus eiusdem Ecclesiæ pro electo Slesuicensi, & quis præfatum Emvaldum in Episcopum Slesuensem quamquam de facto elegerunt, quique & Emvaldus præfatus, quoddam Castrum Suauestede nuncupatum, cum omnibus iuribus, colonis &c. temeritate sua propria sibi usurparunt, & ad manus Laicorum alienaverunt, Nicolaus Iunge, Leuo Leuonius. Theodoricus Engelen. Iacobus Semmelbeker pro Canonicis dictæ Ecclesiæ se gerentes, præfatum Eggardum Episcopum ad possessionem regiminis & administrationis ac bonorum eiusdem Ecclesiæ admittere, & sibi ut Episcopo Slesuicensi obedire recusarent, ipseque Emvaldus se pro electo Slesuicensi gerere, & electores præfati etiam post prædictam eiusdem prædecessoris prouisionem, eidem Emvaldo tanquam electo & adhærere & obedire, &c. Mandamus itaque, ac castrum cum iuribus, iurisdictionibus illaque nunc recuperare, & præfatum Eggardum pro Episcopo admittere, & nequaquam impedire aut molestare. Nisi fecerint, Magistro Felino de Sanders huic suo Capellano Innocentius mandauit, vt feriat omnes Excommunicationis pœna, interdictum Ecclesiasticum ponat, & inuocet brachium seculare, ac omnes alios Philippum van dem Broke qui etiam dictæ electioni interfuerunt. &c.

Eggardus itaque cognomento Durkoep, ab Innocentio Octavo Romano Pontifice Episcopus Slesuicensis Electus ac constitutus, (vt supra indicatum) Slesvici introductus fuit Anno 1493. die Sancti Matthiæ, sed quod Exterus & à summo Pontifice contra Canonicorum præcipuorum voluntatem Episcopus designatus esset, in multorum odium ac inuidiam incurrit. Vbi autem Emvaldus Souenbroder Episcopatu cedere coactus esset, Rex Danie Iohannes, & Dux Slesuensis ad Alexandrum Sextum Pontificem Romanum literas dederunt, quibus ipsi priora sua beneficia ac priuilegia à Ro-

mana

mana Ecclesia sibi benignè concessa in memoriam reuocarunt, nimirum nominationem personæ idoneæ ad Ecclesiam Slesuicensem, quo tempore vacat, esse suam, nec non dilecti filij Capituli dictæ Ecclesiæ, ad quos etiam electio futuri Episcopi de iure & antiqua consuetudine, singulariisque priuilegio Apostolico spectare dicatur. Ideoque se iniuria affectos, ut quibus inconsultis ac inscijs, Episcopus in demortui locum suffectus sit, & à Pontificis prouisione designatus. Sed quia Eggerdus ex auditoribus causarum sacri Palatijs esset, & à Pontifice summopere commendatus, ei hac in parte refragari noluerunt, sed placidè acquieuerunt, eiusque voluntati ac imperio morem gesserunt. Tandem verò Summus Pontifex Alexander negotiū hoc ita sapienter temperauit ac moderatus est, ut priuilegio à Principibus allegato locum daret, & decerneret, per prouisionem & præfectionem prædictam Iohanni Regi & pro tempore existenti Duci, nec non Capitulo præfatis, iuriique seu consuetudini nominandi per Ducem, & eligendi per Capitulum, huiusmodi occurrente vacatione, etiam apud sedem Apostolicam præiudicari non debere. Facta hæc sunt Anno Domini 1494. Vbi Alexander Papa, propter instructionem factam apud se & Cardinales consensit, ut in posterum denominatio Episcopi sit apud Regem & Ducem Slesuicensem, Electio autem Capituli.

Eggerdus itaque, postquam Episcopatum adeptus esset, statuta Synodalia & Provincialia Clericis & Sacerdotibus tulit & dedit, & inter alia, matrimonia clandestina prohibuit, eaque palam contrahi voluit. Focarias ac concubinas, ne alerent Sacerdotes, vetuit. Cum primum rem diuinam facret Eggerdus, tantus vndique hominum concursus factus est ex omnibus locis propinquis ac finitimis, ut Templum licet amplissi-

plissimum ac latissimum omnes non caperet. Tandem vero cum Episcopus Eggerdus pacis ac quietis amantissimus, multis se exolum ac inuisum esse videret, & undequaque oppugnaretur, Romam demum, ubianum unum in Diœcesi Slesuicensi commoratus erat, rediit. Quo tempore Episcopatus Pastore, qui illic sederet, possessionemque ac domicilium Slesuici haberet, totum quinquennium orbatus ac destitutus fuit. Hisce turbis & tumultibus causam dedisse videtur & feruntur Canonici, qui Emvvaldum Sovenbroder elegerant, & arcem vel castrum *Suavestedianum* Iohanni Rantzouio de Nienhusen, (ut inde usuras eius pecuniae, quam ipse fœnori Episcopo dederat, quotannis caperet) tradiderant, fortem ac acerrimum hac ratione ei aduersarium concitantes, cum quo perpetuò litigaret ac contenderet. Iohannes autem Rantzouius arcii *Suauestedio* quinque, vel ut alij existimant, septem annos præfuit, eamque pro usuris 2000 tantum marcarum quotannis inde percipiendis, tenuit. Ad solutionem quoque usurarum & arcis sustentationem, omnes ei decimas concesserant dicti Canonici, quas & quotannis percipiebat. Vnde eum 10000 marcas lucratum ferunt: sunt, qui narrant, se ex ipsius ore audiuisse, quod pro insigni lucro ac emolumento, quod inde retulisset, Episcopatu multum se debere, atque eo nomine ingentes illi gratias agere, dixerit ac aperte professus fuerit. Eggerdus, quod castrum *Suavestedianum* in suam potestatem redigeret, ea de re apud Regem Iohannem grauiter questus est. Rex Anno 1494 Nienburgo literas ad Iohannem Rantzouium dedit, seuereque mandauit, ut de omnibus prouentibus annuisque redditibus Episcopo rationes redderet. Quod & Iohannes se facturum recepit, literis ea de re ad Regem datis. Anno 1495. Interim tamen

res

res ad exitum perduci non potuit. Nam tantum abest, ut rationes redditæ sint, ut Episcopus ea re maiores adhuc sibi inimicitias conflaret. Quibus de causis Eggerdus, qui satius putaret Romam redire, quam in perpetuis rixis & contentionibus, magno cum vita discrimine viuere, Romam sese recepit. In itinere ad alia incommoda hoc accessit, quod quidam Nobilis Bockhold, qui illi semper inimicissimus & aduersatus fuisset, non procul ab urbe Roma Episcopum supplantaret, hoc est, obiecto pede ad casum impelleret, & pro delectamento & deridiculo haberet. Cuius rei indignitate commotus, & bili suffusus Eggerdus, ei, qui illum obiecto pede ad casum impulisset, vulnus inflxit, quo Bockholdus extinctus fuit. Post id factum Episcopus Romæ mansit, neque unquam in Ducatum reuersus est. Testamentum condidit Eggerdus, quo inter alia testatur, Iohannem Rantzouium posse sedisse Castrum Suauestedianum sex annos & prouertus annuos fructusque omnes percepisse, eoq; nomine Episcopatui debere 12000 marcas. Eggerdus quod Castro Suauestadiano eiusque fructibus & prouentibus careret, scenori accepit 700. marcas à quodam Henrico van der Lucht. Cumq; videret sibi tuto comorandi locum in Diœcesi nullum reliquum esse, Romæ manere decreuit, ubi & tandem Anno 1499. die 6. Nouemb. ex hac vita migrauit & ibidem sepultus est. Eodem anno Egardus Emitt Molendinum soldorpiense per officialem Diœcesis Slesvicensis, Henricum Mendensem. Literæ emptionis extant in libro Suauestadiano fol. 67.

**

CA-

C A P V T I V .

EGERDO Episcopo mortuo, Alexander Pontifex Episcopatum Slesuicensem consert Johanni de Castro, Episcopo Agrigentino Titulo Sanctæ Priscæ, Presbytero, Cardinali, consentientibus fratribus eius. De Electione facta Cardinales Canonicos Slesuicenses, per literas certiores fecerunt, quarum exemplum hic sequitur.

Miseratione diuina, Episcopi, Presbyteri, Diaconi sacro-sanctæ Romanae Ecclesiæ Cardinales, Venerabilibus Viris, Capitulo Ecclesiæ Slesuicensis, sinceram in Christo charitatem. Nuper Ecclesiæ Slesuicensi prædictæ, & certis alijs beneficijs per obitum bona memoria Egardi Episcopi apud sedem Apostolicam S.N. de optime meritâ persona Reuerendissimi in Christo Patris Domini Iohannis Titulo Sanctæ Priscæ, Presbyteri Cardinalis Agrigentini confratr̄is nostri prouidit. Qui ob summam eius virtutem & singularem bonitatem electus ad dignitatem Cardinalatus in hac curia, & gratia & autoritate apud omnes plurimum valet. Propterea vos letari magnopere debetis, quod pietas Apostolica talem vobis Pastorem deputauerit, ut conseruationi Ecclesiæ & commoditatibus vestri bene consultum esse videatur: Itaque hortamur vos atque etiam rogamus, ut pro communi utilitate & honore vestro curam adhibeatis, ne fructus, redditus, prouentus & bona Ecclesia prædicta distrahantur, sed ea omnia vestra fide & diligentia, cum possessione ipsius Ecclesiæ procuratori Reuerendissimi Domini Cardinalis confratr̄is nostri, cum isthuc venerit, libere assignetis. In quo & obedientiam Sanctæ Sedis Apostolice & Romano etiam Episcopo vestro (sicut decet) cum laude vestra præstabis. Collegio autem nostro rem admodum gratam efficietis, Datum Roma die 8. Nouemb. M. CCCC. LXXXVIII. Sub signetis nostrorum trium in ordine piorum.

Vene-

Venerabilibus Viris Canonicis ac Capitulo Ecclesiae
Slesuicensis, amicis nostris cha-
risimis.

Episcopi }
Presbyteri } Sanctæ Romanæ Ecclesiae Cardinales.
Diaconi }

Huic à sancta sede Apostolica electo & constitu-
to Ecclesie Slesuicensis Episcopo, Cardinali, postea
per liberam resignationem, & Episcopatus cessionem
ac transactionem, accedente Summi Pontificis Con-
sensu ac Authoritate, successit Detleuus Pogvvisch,
hac tamen conditione ac pacto, ut Detleuus præde-
cessori suo 300. Ducatos quotannis solueret ac pen-
deret. Quam pecuniæ summam etiam Episcopus Det-
leuus prædicto Cardinali, quoad in viuis fuit, persol-
uit ac dependit: ut ex literis Leandri de Perusia de hoc
negocio 30. Augusti Anno 1502. ad Episcopum Ro-
ma datis, perspicue appetat; idque etiam inde colligi-
tur, quod eodem, quo Detleuus è vita excessit, nimi-
rum anno 1507. die 15. Ianuarij, Episcopus Gotscalcus
Detleui successor, pecuniæ summam aliquam, quam adhuc Detleuus co nomine Romæ debebat, ex-
oluit: ut ex apacha, quam subiçimus, liquet. Vniuersis
& singulis praesentes literas inspecturis salutem in Domino.
Vniuersitati vestre notum facimus per praesentes, quod Re-
uerendus Pater Dominus Gotscalcus Electus Ecclesiae Slesu-
icensis, pro totali & integra solutione aeris, & trium seruitio-
rum in quibusdam certis sententijs & pœnis, ratione cessa-
tionis, pensionis trecentorum Ducatorum auri de Camera,
quam olim Reuerendus Pater Dominus Detleuus ipsius Eccle-
sie Slesuicensis Episcopus, eius prædecessori bona memoria Re-
uerendissimo in Christo Patri ac Domino Iohanni Titulo
Sanctæ Prisce, presbytero Cardinali Agrigentino, super fru-
ctibus

etibus dictæ Ecclesiæ soluere tenebatur, & extiterat efficaciter obligatus, Cameræ dicti Collegij, nec non familiaribus & Officialibus dictorum Reuerendissimorum Dominorum Cardinalium florenos auri de camera 50. nobis pro ipsis collegio & familiaribus & officialibus recipientibus, per manus Venerabilis viri Domini Michaelis, Petri die datum, praesentium solui fecerit realiter & cum effectu. De quibus florenis, ita sicut præmittitur, solutis, præfatum Dominum Gotscalcum electum, successores suos, & eorum bona quæcunque, præfati collegij nomine absoluimus, quietamus & liberamus per præsentes in quorum fidem & testimonium præsentes fieri, & sigilli nostri Camerariatus officij fecimus appensione muniri. Datum Romæ die ultima Iulij Anno à nativitate Domini M. D. VII. Pontificatus sanctissimi in Christo Patris ac Domini nostri Iulij. Diuina prouidentia Papæ 2. An. quarto.

Sed ut ad Dethleum reuertamur. Fuit autem ipse Detleus electus Anno 1499. die 20. Decemb: Hic ad æs alienum, quod Helricus (nam ante id tempus Episcopatus nallo ære alieno oneratus fuit) contraxerat & fœnori acceperat, accessionem fecit. Nam ad emendum pallium, quod pro more & consuetudine antiqua in Ecclesia recepta, à summo Pontifice redimendum ac comparandum erat, 3000 aureos Rhenenses fœnori accepit. Quemadmodum id testantur literæ in Capitulo Slesuicensi. Huic autem Episcopo Dethleuo Iulius Papa Secundus indulxit, ut dimidium vnius anni redditum, fructuum, & prouuentum darent sacerdotes omnes, pro sua quisque conditione ac facultatibus, quibus æs alienum, quo Episcopus obæratus esset, persolueretur & creditoribus satisficeret.

Hac ætate Anno 1501. Alexander Sextus misit Rämundum Cardinalem, qui omnes oras Aquilonares obiuit, & ultra Iubileum, indulgentias, gratias ac facul-

tates concessit. Idem Raimundus ex mandato Pontificis, super matrimonijs dispensauit, tertio & quarto gradu consanguinitatis & affinitatis contractis, quemadmodum ostendit exemplar eius dispensationis, quod sequitur. *Raimundus miseratione Diuina Sacro sancta Romana Ecclesiae, & sancte Mariæ nouæ Presbyter, Cardinalis Guicensis, ad Vniuersam Germaniam, Daniam, Suetiā, Norvegiam, Frisiā, Prusiam, omnesq; & singulas illarum provincias, ciuitates, terras, & loca, etiam sacro Romano imperio in ipsa Germania subiecta ac eis adiacentia, Apostolice sedis de latere Legatus Reuerendo in Christo Patri Episcopo Slesuicensi salutem in Domino. Exhibita nobis nuper pro parte petitio continebat, quod nonnullæ pauperes personæ in Diœcesi vestra consistentes, aliquæ scientes, aliquæ vero ignorantes, aliquod impedimentum inter eos existere, quo minus possent inuicem matrimonialiter copulari, matrimonium per verba de præsenti contraxerunt, inter nonnullos carnali copula & prole, quoad alios autem his minimè subsecutis. Cum vero nunc ad ipsorum dimanauerit notitiam, quod tertio & quarto consanguinitatis & affinitatis gradibus disiunctiue aut copulatiue respectiuè se attineant, quodq; inter eos diuortium perpetuum sine grauibus scandalis fieri non possit, dispensatione Apostolica desuper non obtenta. Quare humiliter nobis supplicari fecisti, quatenus eisdem pauperibus super præmissis de opportuna dispensationis gratia nunc prouidere dignaremur. Nos igitur, qui inter cunctos Christi fideles pacem querimus, & scandalis huiusmodi, quantum cum Deo possumus, obuiamus, huiusmodi supplicationi inclinati, circumspectioni vestre, autoritate legationis nostræ & Apostolica, qua per literas specialis facultatis Sanctissimi in Christo Patris & Domini nostri, Domini Alexandri diuina prouidentia Sexti fungimur, hac in parte committimus & mandamus, quatenus quinquaginta personis, que ut perfertur, in tertio & quarto consanguinitatis & affinitatis gradibus*

dibus coniunctiue vel disiunctiue contraxerunt, qui pauperes sint, nec ad Romanam curiam vel nos pro dispensatione nuncios mittere possunt: quod impedimentis illis non obstantibus, in contractis matrimonij remanere, libere & licite possint & valeant, eadem Apostolica autoritate dispensans absolutiō nem his, qui similiter contraxerunt, praevia aliqua separatiōne cum iuramento solito impenso: dummodo prædictæ mulieres propter hoc ab aliquo non fuerint raptæ, prolem suscep tam vel suscipiendam legitimam decernentes. In quarum fidem præsentes literas fieri, sigilliq; nostri iussimus appensione communiri. Datum Lubeck. Anno incarnationis Dominicæ millesimo quingentesimo, Tertio Kalend. Maij. Pontificatus Sanctissimi in Christo Patris & Domini nostri Domini Alex andri diuina prouidentia Papæ anno vndecimo.

Anno 1500. Bellum & Prælium Dithmarsicum ultimo die Mercurij ante Valentini festum commissum est. Eodem an. diebus 14. post Paschæ festum demoliti sunt Dithmarsi & solo & equarunt arcem Tylen, pagūq; igne cremarunt. An. 1501 Latus templi Slesuicensis, quod Aquilonem spectat, absolutū & completum fuit. Fenestræ eius lateris factæ & affixæ fuerunt Anno 1503 ut inscriptio testatur. Anno 1502 Dominicæ, quam Misericordias Domini vulgo nominant, nuptiæ Ducis Friderici, qui postea Christierno pulso, Rex Danie exortus est, in ciuitate Stendelen celebratae sunt. Episcopus Detleucus Ducem comitatus, ad nuptias profectus est viginti quatuor equis & equitibus. Ministros & pueros amanuenses Damascenii vestibus exornarat & vestierat. Ex eorum numero nobiles octo insignia vel signa gestabant in manicis, Lubecæ confecta, quorum unumquodq; 50. marci Lubecensibus constabat. Nam ex auro & gemmis conflata & compacta erant insignia. Sed & Nobiles omnes Vittam auream gestabant, prout moris erat. Omnes autem ministri duplicatis pallijs amicti erant. Tandem Episcopus Detleucus Flæsburi mortuus est An. 1507 die Veneri, qui fuit decimus quintus lunij, & Slesuici sepultus.

C A P V T V.

CHRISTIERNVS II. Iohannis Regis Daniæ filius, Rex Daniæ 96. Norvvegiæ Anno C. 1514. & Sueciæ Anno C. 1518 Natus Niburg 2. Iulij Anno 1481. 2. Iulij. Regnis Suetiæ anno 1521. Daniæ, & Norvvegiæ Anno 1523. pulsus, & post decem Exilij annos captus Anno 1532. Sunderburgi custodiae mancipatus, tandem Kallenburgum translatus Anno 1549. Post diuturna 27. annorum vincula expirauit Anno 1559. Ottoniæ sepultus. Anno 1515 Sororem Caroli Quinti Isabellam vxorem dixit, quæ defuncta Anno 1525 Gandaui. Liberi. Maximilianus & Philippus qui in pueritia obierunt. Iohannes qui Steinbruchij apud Carolum Quintum fuit Imperatorem: obiit Anno C. 1532: Dorothea Friderico Palatino, & Christina primum Francisco Sfortiæ, deinde Francisco Lotharingiæ Duci, nuptæ. Obiit hac Anno C. 1580.

REGE Iohanne vitæ huius munere perfundo, eius filius Christiernus Rex Daniæ electus ac designatus fuit. Rex, quod ad Catholicam Religionem ac fidem verè Christianissimus, Catholicæque Ecclesiæ filius vnicè dilectissimus & obsequentissimus. Regnis Daniæ & Norvvegiæ Anno 1514. inauguratus, nihil magis sibi curæ habuit, quam ut Suecos sæpius rebellantes, Regnoque Daniæ fasces submittere detrectantes, iterū subiugare, atque in fide & obsequio firmiter retinere posset. Ad hoc autem tam arduum ac difficile opus conficiendum, cum aliorum quoque auxilio ac præsidio sibi summoperè opus esse videret, è re sua, atq; vsu regni fore arbitratus est, si Maximis ac Potentissimis totius orbis Monarchis ac Dominis Societate ac fœdere coniungeretur: cumque amoris ac benevolen-

uolentia Potentissimorum horum Orbis Dominorum
amicè sibi conciliandæ, firmiterq; retinendæ, nullam
cōmodiorem viam ac rationem esse perspiceret, quā
Affinitatis vinculo ac coniunctione cum ijs firmiter
vniri ac deuinciri: ideo de Isabella Philippi Archiducis &
Hispaniarum Regis filia, Caroli Quinti postea Imperatoris
forore, in vxorem ducenda, animum inducere cœpit.
Cuius voti tandem compos factus, Illustrissimæ huic
Reginæ Anno 1515. matrimonio vnitus ac coniunctus
fuit. Tantæ itaque, tamque Potentissimæ ac Au-
gustissimæ Familiae, affinitatis, fœderis, ac Societatis
vinculo coniunctus, tamque firmissimis præsidijs ac
auxilijs vndiquè munitus ac suffultus, Suecos tandem
domare ac coronæ subijcere, consilium cepit. Cumq;
fermè omnes Regni Proceres ac subditi, Stenonis Re-
gni ac dominationis cupidi ac sitientis impulsu, inter
se coniurassent, Regemque Christiernum nunquam
pro suo Domino ac Rege sese recepturos ac agnitu-
ros esse, vnanimiter constituissernt ac decreuissent,
solus Gustaus Regni Sueciae Archiepiscopus, syncerus ac
integerrimus Præsul, vi conscientiæ ac Religionis ad-
ductus, proceribus relictis, contra Christiernum ne-
quaquam conspirare voluit nec potuit. Cumque ob
hunc animi sui candorem ac constantiam, quod à
Christierni Regis partibus fortiter ac animosè staret,
passim Suecorum odium ac inuidiam sibi concitasset,
tandem Procerū furori violenter ac hostiliter ipsum
vsquequaque persequentium cedere, atque in ar-
cem quandam Sueciæ firmissimam ac munitissimam,
Stegam nomine, vitæ ac salutis seruandæ causa, tanquā
in asylum quoddam fugere ac se recipere fuit coactus.
Eius rei fama cum primum ad Christiernum Daniæ
Regem allata esset, non cunctandum sibi ratus, verū
quam potuit ocijssimè classem centū & viginti nauium

instruxit ac armavit, ac in Sueciā Archiepiscopo Gustauo tam grauiter periclitanti, inq; tantas angustias redacto, subsidio misit. Classe hac eximia, secundis ventis, optimaque tempestate, salua ac incolumi in Sueciam delata, arcem illam munitissimā, Suecorum obsidione cinctam, Stegam, tandem per suos cepit: qui Archiepiscopū Gustauum violentis ac sanguinarijs illorū manibus erectum, saluum ac illæsum in Daniam secum deduxerunt. Postquam Stega discesserunt Sueci, male feriati, indicto Stockholmium conuentu, frequenter conueniunt, vniuersique regni Proceres ac Ordines gravissimum edictum confestim condunt ac promulgat, quo firmiter statuunt ac decernunt, se posthac & in perpetuum prefatum Archiepiscopum Gustauum pro hoste, perduelli, ac inimico habituros esse, nunquam se ipsum iterum in gratiam recepturos, neque, quod Christierni partibus fauisset, vñquam se illum in pristinū honoris ac dignitatis gradū restituturos esse. Præterea quoque vnanimi consensu statutum ac decreatum fuit, vt firmissima ac munitissima illa arx Stega, quod Archiepiscopus vitæ seruandæ causa confugisset, à fundamentis diruta solo æquaretur, neque ullo vñquam post hac tempore iterum extrueretur ac condenseretur. Tandem illud ausi, vt pertinaci ac obfirmato animo firmiter statuerent: etiamsi summus Pontifex Romanus se huic negocio interponeret, ac sua prudentia ac authoritate quicquam statueret ac decerneret, eius quoq; authoritatem, statuta ac decreta nequicquam ponderis ac momenti apud se habitura esse: neq; se eius consilio ac imperio hac in re vlla ratione obsecuturos ac parituros, sed firmiter in suo proposito ac decreto perseveraturos, neq; ullo vitæ ac fortunarū periculo ac discrimine, sententiam suā mutaturos esse. Deniq; cuiuscunq; etiā criminis ac facinoris

noris, siue violatae Ecclesiæ obedientiæ, siue læsa Ma-
iestatis Regni ac imperij, imposterū rei agerentur, hu-
ijsmodi culpā ac pœnam, qualiscunq; illa fuerit, om-
nibus & singulis ex æquo communē fore. Hoc edicto
promulgato, Rex Christiernus Archiepiscopo Suetiæ Gu-
stauo, tunc tēporis Exuli ac pr̄fugo author fuit, con-
siliumq; dedit, ut negocium hoc ad tribunal superemi
Pontificis Romani deferret, eiusq; consiliū ac iudiciū
in hac causa exquireret ac imploraret. Qui confessim
indicto Cardinaliū Concilio, req; diligenter considerata
ac expensa, hanc sententiā tulit. Quandoquidem
Sueci malitiosa ac perfida hac sua cōiuratione ab Ec-
clesiæ vnione ac obediētia sese segregauerint, propter
hostilē ac violentā summi sui præsulis ac Archiepisco-
pi Gustaui persecutionē, nefando ac detestādo Schis-
matis criminē se fœdè contaminauerint, iustissimā
quoque huiusmodi Schismaticis debita ac constituta
pœna plectendos ac animaduertendos esse, & primū
capitis suppicio afficiendos, deinde rogo imponēdos
ac comburendos esse. Hac sententia promulgata, Ro-
manus Pōtifex, datis ad Christiernū Regē literis, eius
executionē quā severissimē ei imperauit ac præcepit.
Quod & tandem efficere coactus fuit. Suecis itaq; tan-
dem à Rege Chrierno bello deuictis ac superatis, vr-
beq; Stockholmio, cum se diutius aduersus tam validam
manū sustinere ac defendere non posset, dedita ac oc-
cupata, tandem Suecos in Fidem ac clientelā, pr̄stito so-
lenni fidelitatis iuramento, recepit. Sueciæ Rex à præ-
dicto Gustauo Sueciæ Archiepiscopo solennibus ce-
remonijs, Caroli V. Imperatoris legatis pr̄sentibus,
atque solennem hunc actum honorifica donatione
ac oblatione aurei Velleris decorantibus, regio suo
muneri ac officio consecratus ac inaugurate, post a-
liquot dies summa festiuitate ac lætitia transactos,

tandem summi Pontificis Romani sententiam ac decretum Executioni mandare, iustitiae amor & obedientiae studium ipsum mouit: cōdonataq; promiscuae plebi ac multitudini iniuriarum ac delictorum offensa, in præcipuos seditionum authores ac turbarum Principes, merita ac condigna, Romani Pontificis decreto cōstituta ac ordinata poena, seuerè animadvertit. Suppicio hoc de factiōlis subditis sumpto, ut omnem iniustitiae ac tyrannidis suspicionem & culpam Pontifex summus à Rege Christierno remoueret, peculiarem quendam Legatum Iohannem de Potentia Romanæ Sedis Cardinalem in Sueciam ablegauit, qui diligentissimo & accuratissimo omnium eorum, quæ in hoc negocio gesta erant, examine instituto, rebusque omnibus quam curiosissimè ac diligentissimè inquisitis ac peruestigatis, nihil à Rege quicquam præter ius ac fas in hac causa actum apertissimè pronunciavit. Turbis in Suecia compositis, regno pacato, ac præcipuis seditionum authoribus è medio sublatis, Rex in Daniam iterum reuersus est. Quò cum ventum, non multò post ad Imperatorem Carolū Quintum affinem, profectionem suscipit, à quo summa pompa, splendore, ac magnificantia quam honorificentissimè exceptus, nouoq; insuper honore ac dignitate auctus ac ornatus fuit, collato nimirum ipsi pleno dominio, iure, ac potestate super Feudum Holsatia, quod ipse nimirū imposterū tanq; legitimus Dominus illud conferre, & à se vnicè peti ac impetrari debeat. Dū itaq; Rex Christiernus peregrè abesset, atq; apud Imperatorem degeret, noui subinde tumultus in Regno Sueciæ moti & excitati fuerūt. Quibus imprimis ansa & occasionem præbuit, Gustauus Erici Filius, qui Patre mortuo, ac cum reliquis rebellibus capitis supplicio affecto, à Rege Christierno cum alijs nōnullis capti-

captiuis in Daniam abductus , & Erico Equiti Da-
no, sub denunciatione certæ ac maximæ multæ, dili-
genter ac fideliter custodiæ traditus ac commissus
fuit: à quo , cum propter cognationem aliquantò le-
nius ac indulgentius haberetur, laxioriq; custodia de-
tineretur , tandem nimia libertate ac licentia ipsi per-
missa, de fuga consilium inire cœpit, nouoq; peregrino
ac insolenti bubulci alicuius habitu assumpto,
clam è Dania secessit , & Lubecam summis itineribus
contendit. Quò cuim saluus ac in columis peruenisset,
illisque statum ac conditionem suam aperuisset, con-
festim , vt in Regem Christiernum animo erant ini-
micissimo ac infensissimo , eius saluti & in columitati
quam maxime consultum esse cupientes, nauj conti-
nuo instructa , ipsum in Suetiam transuehendum cu-
rant. Vbi eum diu obscurus latuisset, ægerrimeque ac
ærumnosè vitam tolerasset , instar mercenarij cuius-
dam , manuum opere ac labore , victum ac amictum
sibi compaians , tandem *Darlecarlorum* (hominum
generi in Suecia omnium audacissimo ac ferocissi-
mo) societati ac consortio se adiungit, in quorum
notitiam ac consuetudinem cum venisset, eorumque
amorem ac benevolentiam sibi conciliaasset , tandem
coniuratione inter se facta, consilium ceperunt , om-
nes Regis Christierni Præfectos ac Satrapas armata ac
violata manu adoriri & impugnare : quibus partim
miserè ac crudeliter trucidatis: partim Regno Sueciæ
expulsis ac deturbatis , ipsi solùm rerum potiuntur,
arma capiunt, exercitumq; colligunt, cui Ericum Du-
cem ac Imperatorem constituunt. Tandem violentis
ac sanguinolentis suis manibus , nec non callidis suis
consilijs , ac machinationibus, eò rem perducunt, vt
omnes fere proceres ac incolas totius regni in suas
partes ac sententiam pertrahant , perfidaq; à Legiti-

mo suo Rege Christierno discessione facta , Gustavus
partes sequerentur. In huiusmodi itaque angustijs ac
periculo Rex Christiernus constitutus , de copijs vnde-
dique cogendis, quibus huiusmodi turbas ac sedicio-
nes in Suecia motas ac concitatas iterum sedare ac
compescere posset, dispicere ac consultare cœpit, sta-
timque in Holsatiam ad Fridericum Patruum genere
ac cognatione sibi proximum summis itineribus con-
tendit, eius opem , consilium , & auxilium petiturus.
Quem , cum aliquibus de causis nonnihil alieno à se
animo esse perspiceret, auxiliaresque ipsi copias mit-
tere tergiuersaretur , consultum fore existimauit,
priusquam aperto Marte Suecos oppugnaret, cum
Friderico Patruo suo in gratiam redire, deq; omnibus
negocijs ac controuersijs, quæ ipsis intercederent, a-
amicè ac pacificè transigere: vt ita sublatis omnisodij
& simultatis causis, firma, constans , ac perpetua pax,
animorumq; concordia inter se inuicem iniuretur ac
confirmaretur. Ad hoc negocium conficiendum,
vtriusq; consensu ac arbitrio *Bordesholmy* (quod Mo-
nasterium est in Holsatia famosissimum ac celeberrim-
um,) Anno 1522. conuentus indicitur, vbi adhibitis
arbitris ab vtraq; parte delectis ac approbatis, nempe
Ioachimo Electore Brandenburgensi Regis sororio, &
vxoris Friderici fratre, nec non Alberto Megapolita-
no , & Henrico Episcopo Raceburgensi , totum hoc
negocium transactum , & quicquid inter illos antea
litis, controuersiæ, ac dissensionis erat, amicè compo-
situm ac transactum fuit. Dum hæc ita *Bordesholmy*
aguntur , omniaque amicè ac pacificè transacta esse
Christiernus existimaret, Lubecis aduersantibus, bel-
lumque mouentibus, nouæ quoque in Dania præ-
ter omnem spem & expectationem turbæ, ac factio-
nes exortæ sunt, quam tamen omnino tranquillam ac
pac-

pacatam esse Rex Christiernus existimabat: Proceribus Regni ægrè ferentibus & nequaquam permittere volentibus, vt exteti ac peregrini milites, quibus Rex Christiernus Suecos debellaturus esset, in Regnum deducerentur. Hoc enim summum Regno eiusque incolis detrimentum ac incommodeum allaturum esse, sibiique tandem exitio ac ruinæ fore, animum inducebant. Hisce autem incommodis ut mature obuiam procederetur, multisque alijs causis ac rationibus adducti, (quas postea publico scripto memorie prodiderunt Proceres Iutiaæ) de Christierno Rege abdicando, & in eius locum Ducem Fridericum eligendo, consilia ineunt. Quod cum Christiernus comperisset, seque iam in extremas angustias redactum, vndique tam externis hostibus, quam proprijs subditis infestari ac oppugnari videret, omnitandem consilio & auxilio desperato, cum nusquam tutum ac tranquillum locum se reperturum existimaret, Iutiaque omnium optima ac amplissima Dania parte à se auersa, reliquas quoque partes quam facillimè ad defectionem impelli ac commoueri posse sibi persuaderet, nihil quicquam amplius remedij ac consilij superesse vidit, quam vt mature fugam adornaret, ne postea turbis ac motibus indies ingrauescentibus, abitu ac discessu prohiberetur. Itaque conuasatis omnibus, classe viginti navium instructa, regiaque suppellectili illis imposta, cum Fidissima ac Dilectissima sua Coniuge Isabella (quæ postea omnium ærumnarum ac misericordum, nec non durissimi ac grauissimi exilij perpetua ac indiuidua comes ac socia, ci firmiter ac constanter adhæsit, & à Proceribus Regni in Daniam reuocata aperte pronunciauit Malle se cum viro exulare, quam sine marito regnare,) & charissimis liberis

Regno

Regno exultatum abijt : ac primum nauigatione in Germaniam suscepta, Electorem Brandenburgensem sacerum suum conuenit, inde ad Fridericum Saxoniæ Electorem auunculum suum se contulit, tandem Lyram Brabantiaæ concessit, vbi alimenta ac hospitium Imperator Carolus V. illi benignè præbuit, ac concessit, vbi aliquandiu commoratus copias paulatim collegit, classemque viginti nauium ab Hollandis sibi comparauit, quibus postea in Daniam ad recuperanda sua regna iterum expeditionem suscepit. Vbi primum cum classe *VV*arburgum Hollandiæ appulit, indeq; magna ac turbulentia coorta tempestate, ventorumque vehementia classe dissipata, nonnullisq; nauibus depresso ac submerso, tandem ad Norvægiæ littora delatus est, vbi postea omnibus ripis ac littoribus frigore congelatis, idoneam noctus stationem hyemare decreuit. Quò cum ventum, quam plurimos tam Nobilium quam plebeorum sibi admodum fauentes ac gratiosos reperit, plerique omnes Regni Proceres & Episcopi, opera ac studio *Ola* Archiepiscopi Nidrosiensis, illum iterum pro Rege ac Domino suo receperunt, præstitoq; fidelitatis iuramento, debitum honorem, cultum, & obsequium illi iterum promise- runt. Quibus in fidem receptis, tandem quoque cum præfecto arcis *Aggerhusia Magno Guldenstern* Equite Da- no de ditione arcis agere & tractare cœpit. Quam rem cum summoperè vrgeret, & de ditione arcis præfatum *Magnum Guldenstern* vehementer ac indesi- nenter sollicitaret, tandem humili ac demisso animo respondit: se quidem non diffiteri, neque vlla ratione inficias ire posse, ipsum horum trium Regnorum, Daniæ, Suetiæ, & Norvægiæ Regem legitimè na- tum, electum ac coronatum esse, neque se satis fir- mum ac validum esse, ut hyberno hoc tempore arcem hanc

hanc, si vi illam oppugnare velit, valida ac armata ma-
nu tueri ac defendere possit: cum autem famæ, vitæ, ac
nobilissimæ suæ familiæ summoperè intersit, ne ita
temerè ac leuiter, inscio ac inconsulto suo Rege ac
Domino, arcem hanc fidei suæ commissam dedat,
ideoq; humiliter se rogare & obsecrare, ut hoc nego-
tium tantisper suspendat, dum Regi ac Domino suo
Friderico præsentem arcis statum & conditionem li-
teris significet, à quo, nisi ante Kalendas Martij com-
meatus & auxilia mittantur, quod tamen tam exiguo
temporis spatio præstari posse, vix possibile videatur,
se vltro dditionem arcis facturum esse. Quo respon-
so Christiernus contentus, arcis illius obsidione ali-
quandiu abstinet, & minora interea quædam oppi-
da, Norvvegiæq; Prouincias, & munitissimam arcem
Bohus occupat, sibiique subiicit. Interea *Magnus Gulden-*
stern, datis ad Regem literis, rem omnem, vt se habet,
exponit, eiusque opem & auxilium summoperè im-
plorat, seq; non tam annonæ & munitionum penu-
ria, quam exercitatissimorum & veteranorum mili-
tum inopia summoperè labotare, literis suis indicat,
horum igitur quam ocijssimè copiam sibi fieri, ob-
nixè rogit. Literis hisce per ministrum Francutn, Io-
hanni Rantzouio arcis *Helseburgi* tunc temporis præ-
fecto, traditis ac porrectis, militum aliquot copias
quam potest celerrimè ex vicinis & finitimis locis
colligit, eosque nauigijs impositos quam velocissimè
in Norvvegiam transuehi curat. Qui ad Norvvegiæ lit-
tora delati, nauigijs frigore constrictis egrediuntur,
& per occultas quasdam semitas ac viarum anfractus,
duce & comite *Franco* in arcem deducuntur. Ho-
rum itaque aduentu ac præsidio cum arx bene mu-
nita ac firmata esset, magnum quoque commeatus ac
frumenti numerum ex vicinis ac finitimis locis, ad
horum

horum alimenta ac sustentationem, Præfectus *Guldenstern* in arcem comportari curat. Rex Christiernus, cum hac spe se frustratum esse videret, arcem illam continuò obsidione cingi iussit, ne quid amplius in illam transferri ac importari possit. Interea Rex Fridericus, imminente æstate, glacieq; soluta, ingentem ac validam nauium classem, quam tam ex suis, quam alijs vicinis ac confœderatis ciuitatibus ac regionibus sibi comparauerat, in *Norvregiam* transmisit, cui *Canutum Guldenstern* præfecerat. Quæ cum ventis secundis, salua ac incolumis in Suetiam appulisset, primum arcem illam munitissimam *Stegam* obsidione soluerunt, victoriaque potiti, ipsum Christiernum Regem tandem viuum ceperunt atque in *Daniam* secum deduxerunt. Inde continuò *Sunderburgum* translatus ac custodiæ traditus fuit. Ibidemq; postquam integrum vixisset, tandem miserrima ac durissima hac seruitute solitus ad cœlestem Patriam commigravit.

Vt sacra Lutherus temerat Mysteria Christi.

Atque errore, Dei taminat ipse Gregem.

Vltimus his sacrum Godscalcus Præsul in oris

Sustinuit vere Religionis opus.

A. C. 1517.

Huius Christierni Regis ætate, Episcopus Slesuicensis fuit *Godscalcus de Aleuelde* Decretorum Doctor, qui ex Præposito & Canonico Slesuicensi Episcopus unanimi Canonorum consensu electus est Anno 1507, & à Summo Pontifice confirmatus. Anno vero sequenti hoc est 1508. Lubecæ à Reuerendissimis Patribus D. Ioanne Ratzeburgensi, Wilhelmo Slesuicensi & Petro Suerinensi Episcopis, Episcopus est consecratus de mandato Summi Pontificis. Virtutem Natalium splendore, Nobilitate Generis, quam Pie-

tatis

tatis ac virtutum decore illustris ac conspicuus, Proceræ ac elegantissimæ staturæ, summi Consilij, a caccerimi iudicij, Popularis noster honorandus, Patriæ nostræ Holsatiæ singulare Decus, & Cancellarius Dūcalis, in Iure Ciuiili & Canonico multum versatus, quod adhuc eius libri, qui ad manus meas venerunt, testantur. In quibus manum eius singulis penè paginae adscriptam cernere licet. Vnde de insigni eius eruditione summaq; diligentia iudicium fieri potest, atq; existimandi copia datur. Sed & spartam, quam nactus erat, ornauit concionando, rem diuinam faciendo, Ecclesiæ visitando, librosque sacros & Ecclesiasticos scribendo. Nam *Ritualem Librum*, (quem *Agendam* vulgus nuncupat,) ipse edidit in usum Ecclesiæ Slesuicensis, simul quoque *Breuiarium euulgauit*, hoc est, librum, in quo lectiones, Psalmi & preces continentur, quibus eo tempore in his oris vtebantur, eumque Parisijs imprimendum curauit typis elegantissimis. Episcopatum op̄eratum nactus est nempe 24550. marcis, vel ut ipse sua manu testatus est 20000. florensis Rhenensibus. Ad cuius æris dissolutionem, quo quotidie premebatur, prædia & bona in Stubbe vendidit, & alia quædam annotanda. Cui venditioni intercesserunt Canonici, quod illis inscijs & inconsultis ea peracta esset, deq; ea re publicè protestati sunt, postea vero urgente necessitate, accedente Regis consensu & ratihabitione, firmata fuit & probata, vt ex literis, quæ de ea confectæ sunt & in domo Capitulari extant colligere licet. Apud omnes quoq; ordines gratiosus fuit Episcopus Gotscalcus, & imprimis apud Regem Daniæ, idq; ex eo colligere licet, quod Anno Millesimo quingentesimo decimo quinto, à Rege Christierno in Belgum Gotscalcus missus fuit, vt ei Isabellam Sororem Caroli Quinti in uxorem

rem

rem peteret. Quam & impetravit. Extatque ea de re oratio Latina, satis elegans & concinna, quam **Gotsalcus** coram Cæsare, alijsque Principibus habuit, quam **D. Arnoldo VVithfeldio** Regni Daniæ Cancellario vtendam ac perlegendam concessi, à cuius hæredibus illa reposcenda erit. Leges quoque sumptuarias tulit **Gotsalcus**, quibus nuptijs faciendis, sumptibusque, qui ibi fieri solebant nimij ac immodi, conuiuijs item natalitijs, quæ nimis lautè ac magnificè agitari solent, quoties infantes baptismati admouentur, & sacris Christianorum initiantur, regulam ac modum præscribit. (Anno 1517. **Episcopus Gotsalcus** Monasterium quoque Reinefelde à Pontifice impetrat, consente Christierno II. Rege Daniæ, & Papa confirmante. **Episcopo Lubecensi** insuper habito & neglecto. Quo anno & **Martinus Lutherus** indulgentias taxare atque exagitare cœpit.)

Hic itaque **Gotsalcus** de Aleuelde fuit vltimus ab Ecclesia Romana & Sede Apostolica Electus & confirmatus **Episcopus Slesuicensis**, qui quamdiu vixit, Catholicam Religionem ac fidem toto corde ac animo est amplexus, camque contra omnes hostes ac aduersarios ad extremum vsque Spiritum, fortiter ac animosè defendit, in cuius tandem constanti confessione ac professione piè ac placidè in Christo indormiuit. Cuius pij ac Religiosi Episcopi ætate, insignis ac memorabilis in vtroque Regimine rerum vicissitudo ac mutatio contigit. Nam & eius Rex ac Dominus Clementissimus Christiernus II. Regnorum solo ac imperio pulsus ac deturbatus fuit, & simul cum eo quoq; Christiana & Catholica Religio, à tot Sanctissimis ac Religiosissimis Patribus, primùm introducta ac seminata, tot Summorum Pontificum, Gloriosissimorum Imperatorum, nec non Serenissimorum ac

rum ac Illustrissorum Regum Daniæ , Ducum Holsatiæ ac Slesuicensium, authoritate, summaq; cura ac diligentia , consilio ac præsidio firmiter munita, custodita, ac propagata, tot insignibus miraculis confirmata , capite ac Patrono destituta , ac Rege Christierno exulante ac abdicato , simul quoq; his Regnis ac Nationibus exulare ac abrogari cœpit. Qua nuntante ac ruinam minante, noua subito Hæreticorum ac Schismaticorum turba ac colluuiis exorta est , qui falsa doctrina ac peruersis dogmatibus, veram & Catholicam Christi in his locis Ecclesiam iniserè turbarunt ac afflixerunt , donec tandem omnino extincta ac deleta fuerit. Nam statim Anno 1526. Monachus quidam nomine Fridericus in medium prodijt , qui iam pridem ordinem suum deseruerat , ac cucullam exuerat. Hic postquam ex carcere & vinculis , in quæ ob facinora ac maleficia sua coniectus erat , euasisset, Slesuicum sese recepit: ubi annum commoratus, primum in summo Templo seu æde Cathedrali Slesuicensi ; deinde in ambitu templi conciones ad populum habuit. Quotidie Canonicos & Pontificios calumnijs ac conuitijs virulenta ac petulantissima sua lingua insectabatur , acerrimè in eos inuehendo ac debachando , ut eos plebi omnino exosos redderet. Ei rude ac imperitum vulgus adhæsit tanquam ad saxum , usque adeò , ut eum sibi pastorem Ecclesiæ omnibus votis deposcerent. Sed quod esset audaculus impudentior, & seditiosus, Regis odium atque offendam incurrit. Idque ex eo datur cognoscere: quod cum Ciues Slesuicenses in arcem ascenderent, Regemque humillimè ac demississimo animo orarent, ut sibi cum pastorem Rex permittere ac concedere vellet, Rex subiratus hisce verbis respondit. Quis Fridericum vobis inuidet ac adimit ? Habetote vobis

Dd

illum

illum. Attamen quia Rex perspiciebat , è te atque vsu
 Ciuium non fore, si hominem hunc seditiosum, men-
 daciloquum, obtrectatorem, nulliusq; pretij ac valo-
 ris, pastorem nanciscerentur, ideoq; vt eorum petitio-
 ni aliquo pacto satisfaceret, paulo post Slesuicum mi-
 sit Marquardum Sculdorpium Kilonensem , qui
 Conciones ad populum haberet , & Pastoris munia
 obiret. Hic præfatum Fridericum per semestre secum
 retinuit, & pro Sacellano vsus est. Sed , quod vsque-
 quaq; sui similis permaneret, & conuiciandi finē nul-
 lum faceret, tandem abdicatus ac dimissus fuit. Idq; ea
 imprimis de causa, vt ferunt , quod in Cancellarium
 Regis Wulfgangum acerrimè inuestus esset, eumque
 publicè mendacij arguisset. De qua illata iniuria cum
 Regi questus esset, Fridericus in villa Noui monaste-
 rij comprehensus, & sub dio numellis vel lignis deten-
 tus fuit. Postea iussu Regis dimissus , Holsatiæ fines e-
 greditur, & paulo post moritur. Is initio concionatus
 erat, & docuerat , pastorem ostiatim victum querere
 debere ad exemplum Apostolorū , vilissima veste esse
 amictum, qualē ipse gerebat cœrulei panni Lubensis,
 neq; quicquam præterea desiderare, expetere ac pos-
 fidere debere. Hæc quidem ore ille exterius profere-
 bat, sed vix anno elapso meliorem sortem ac cōditio-
 nem nactus, vestibus sericis sese magnificè ac splendi-
 dè exornare cœpit vxoremq; duxit. Ita sibimetipſi nō
 constās, aliud docebat aliudq; factitabat, proptereaq;
 breui in omnium odium ac despectum incurrebat.
 Deducatur in summum Templum D. Petri à Ciui-
 bus, Ciuiumq; ministris ipsum comitantibus. Dumq;
 Sacerdotes & Canonici in Choro cantarent, ipse ex-
 tra Chorum in Templo Psalmos Germanicos occi-
 nit, ita vt vox Canonicorum horas suas Canonicas
 celebrantium præ magno ac contentissimo clamore

ac vociferatione vix exaudiri potuerit. In templo D. Petri plusculum temporis concionatus est. Sed cum eo audaciæ ac temeritatis prorūpisset, vt prædicantem quendam Marquardum Bulovv consulis Slesuicensis filiū, de suggestu publicè interpellaret, & in cōspectu populi acriter reprehenderet, verbis contumeliosis in illum inuectus, *Mentiris* inquiens ac *Nugaris*; in summum odium apud plerosq; adductus est, ita vt aliquandiu concionandi causa suggestum in templo præ metu ascendere non auderet. Interea non intermittebat data occasione in ambitu templi sermones habere. Vbi cum inter alia subinde has voces inculcaret. *Principi* *populum* *obedire* *debere*, *sed in rebus ad Religio-*
nem spectantibus *minimè*; eaque res cum ad seditionem
spectare videretur, tandem munere concionandi ipsi
interdicto, *Marquardus* à *Principe* *accersitus* & *Præ-*
dicans *designatus* fuit:

Anno 1528. Alius quidam exortus est nomine *Mel-*
chior Hofman pellio, quem ipsius Sectatores singula-
rem quendam Prophetam nominabant, à Deo misa-
sum ad Occidentalem hanc mundi plagam, vt verita-
tem Euangeli in illis oris publicaret ac diuulgaret.
Ils Romam *Babylonem* appellabat, *Argentinam* au-
tem *Hierosolymam* spiritualem. In Holsatiā tandem
venit, illicque biennium Kiloniæ commoratus,
cœpit publicè ac priuatim, prout occasio tulit, doce-
re, & prædicare, libros etiam edere ac diuulgare. Præci-
pue autem de Sacramento certamina & disputationes
mouit, statuendo Eucharistiæ Sacramentum nudum
tantum esse signum Corporis ac Sanguinis Christi:
adiunctis sibi hac in parte duobus collegis ac suffra-
ganeis, *Ioanne de Campen*, & *Iacobo Haggen Dantisco-*
no. Colloquium tandem Flensburgi de consilio ac
mandato Regis Friderici, in cuius seſe fauorem

& gratiam haud pridem insinuauerat prædictus Hoffmannus, habitum ac institutum fuit. Disputari cœptum est Flensburgi, Anno 1529. die Iouis post Quasimodogeniti, præsente Regis Friderici filio Christiano, alijsque Generosis ac Nobilibus viris, Doctore Reuentlouio, Detlcuo Pogvvisch præposito in Reinebeck, Ioanne Rantzouio & alijs proceribus. Ad colloquium autem imprimis accersiti fuerunt Lutherani, Doctor Pomeranus, Dominus Stephanus Pastor Hamburgi ad Diuam Catharinam, & M. Theophilus ludi moderator, Doctor Æpinus & Nicolaus Boen, ex Dithmarsia, vt & alij, quos omnes præfatus Hoffmannus falsos Prophetas nominabat, qui docerent Christum pani inçantationibus includi, ideoque ab ijs cauendum. Collocutores fuerunt Melchior Hoffman, Hermanns Tastius Husensis, & alij Lutherani, qui cum eo in Palestram descenderant, & Hoffmannum oppugnarunt afferentem Eucharistiæ Sacramentum tantum esse Spiritualem Manducationem, eoq; argumentis & demonstrationibus hominem adegerunt, vt se quidem rationibus ac argumentis conuictum esse non negaret: à concepta tamen opinione nequicquam declinabat. Qua de causa Hollatiæ ditione relegatus, solum vertere coactus fuit, de mandato Regis, ne alias suis erroribus inficeret. Collegæ autem ipsius illa disputatione aliam mentem ac sententiam edocti, ad alteram partem transierunt, & Melchiorem dereliquerunt. Ioannes de Campis, iam intelligo inquit, verba Christi, vt sonant, accipienda & intelligenda esse. Iacobus Hegge; Ego quoque inquit hac collocutione motus iam dubitare desino. Publicè quidem de hoc articulo nunquam sum professus, sed cum fratribus placide conferens, scrupulum mihi mouit, quod Iudas accepisse dicatur Corpus Domini, cum

ni, cum impij gratiæ Dei minimè sint participes : non intelligens , aliud esse Sacramentum corporis Christi accipere, & aliud eius effectum, quæ est gratia, conseqü: cum hic effectus per hominis peccatum & obicē possit impediri. Quæ subtilius ex sanctis Patribus explicant Theologi. Cum iam cœpta disputatio finita esse videbatur, ecce alius quidā nomine Ioannes Burse ingressus, queritur , quod colloquio non interfuerit: habere se quoq; nonnullos dubitationum scrupulos , quos libenter sibi exiūni velit de verbis S.cœnæ. Hoc est corpus meum. Witebergenses afferere ac fingere nouas locutiones ac articulos , se vero cum Augustino sentire, qui in Homilia quadam , Edite Hoc est corpus meum, idem esse ac credere explicit: ideoq; se non tantum tribuere ac fidere Pomerano quā Augustino. Verum silentium illi à Principe indictū fuit, & Stephanus Lutheranus respondit. Nos quoq; concedimus ac approbamus esum spiritualem; attamen, si secundum normam Scripturæ, & S. Patrum explicationem sana mente ac ratione hoc mysterium dignè consideremus, alia quoque est Manducatio corporis Christi Sacramentalis: qua Christi corpus verè & realiter manducatur, non tamē vt intellexerunt Capharnaïtæ, dentibus discerpitur, cum Christus indiuisibiliter secundum totā suam substantiā verè ac realiter sit præsens, vt inquit August.in serm.ad Neophytes. *Hoc accipite in pane, quod pependit in Cruce, Hoc accipite in calice, quod manauit de Christi latere.* Atqui verè & realiter Christi corpus pependit in cruce, & verus Christi sanguis dimanauit à Christi corpore. Ergo verū Christi corpus, verusq; eius sanguis accipitur. Et, vt excludat omnem tropicum loquendi modum S. August. in Ps. 33. in illa verba Psalmi (ferebatur in manibus suis) ita inquit: *Quomodo hoc intelligatur in ipso David secundum*

literam, non inuenimus, in Christo autem inuenimus. Ferebatur enim Christus in manibus suis, quando commendans ipse corpus suum ait. *Hoc est corpus meum.* Ferebat enim illud corpus in manibus suis. At si Christi corpus sub specie panis non fuisset verè & realiter præsens, non potuisse dicere Christus. *Hoc est corpus meum,* nec S. Augustinus quod tulisset se suis manibus. Neque vllibi S. Augustinus dicit, quod, *Hoc est corpus meum idem sit,* quod credere: sed Serm. 25. in Ioan. dicit. Quid paras dentem aut ventrem, crede & manducasti: vbi vel loquitur de alia manducazione merè spirituali & non Sacramentali, vel etiamsi de Sacramentali agat, ad eam requirit Fidem, qua quis credat, se Christum verè ac indiuisibiliter in Sacramento præsentem comedere: non tamen dentibus conuellere, aut membratim discerpere, ut Capharnaitæ homines Carnales & non Spirituales in elligebant. Finis tandem huic disputationi & colloquio impositus fuit. Adhibiti autem fuerunt huic conuentui, qui singula exciperent, Franciscus Strienius Regiæ Maiestatis Diaconus, Theodoricus Briller Husia vocatus, Ioachimus Franck Vilstriensis, Ioannes Slauus, Tesmarus Hulebeke, & Ioannes Bennekendorpff Kiloniensis. Carolstadius quoque ab Hoffmanno in Holsatiam vocatus erat, vt sua auctoritate ac eruditione aduersarijs metum incuteret, suumq; dogma tueret ac defendereret. Abiturus autem Hoffmannus dixit, propter articulum de Sacramento multum sanguinis humani effusum iri. Argentoratum tandem profectus, scripta, suppresso impressoris nomine, ediac publicari curauit, in quibus gloriatur, se palmam in Holsatia disputando obtinuisse vbi imprimis in Marquardum Sculdorpium Lutheranum acerrimè inuechitur, qui cum hæreseos insimulauerat, eiusq; opinionem tanquam impiam ac erroneam omnino damnauerat.

An-

Anno 1526. dedit Gotscalcus de Aleuelde Episcopus Slesuicensis literas ad Iudicem, Assessoresq; Cameræ, quibus obtendit, quamvis superioribus temporibus ætate Henrici Aucupis & Ottonis terminus Romani Imperij vltra Eidoram fuerit prorogatus ac ampliatus, vt & ex hac historia pag. 40. colligitur, mutato tamen iam imperij statu, & antiquato Marchionatu, Episcopatum Slesuensem non esse subiectum Imperio Romano, sed Regno Daniæ. Quarum exemplum subiçimus.

Amicabile obsequium nostrum, plurimamq; salutem. Illustres ac Egregij Domini ac amici, licet penitus incogniti, tamen vt spero, præcipui. Deuenit alias saltem incerto autore ad auditū meum, qualiter nuper valuis Ecclesiæ nostræ Cathedralis fuerit affixa quædam litera, Sacratoris Cæsareæ Maiestatis sigillo, vt apparuisset, sigillata, putabatur quod suis se priuatio Regalium contra nos, ob non solutionem nescio quam. Verum Excellentijs vestris constare petimus, me certè & Ecclesiam meam (heu dolor) nulla prorsus à Sacro Romano imperio tenere Regalia. Vtinam aliqua, quantulacunq; saltem exigua, pro loco refugij à prefato imperio habemus. Vellemus profecto obuijs (vt aiunt) manibus admodumq; libenter comparere, & firma spe impetrandi absolutionem seu restitutionem sollicitare. Et quod hic Episcopatus sit extra limites Sacri Imperij, & sub Regno Daniæ constitutus, euidens existit. Namq; totaliter & in omnibus & per omnia ab hac parte fluuij Eidoræ, qui fluuius discernit Germaniam à Dacia, teste non modo Saxone Grammatico in prologo seu præfatione librorum historiarum suarum fol. 2. Verum etiam Alberto Krantz natione Saxone, in sua Saxonia li. 1. c. 1. Taceo Chronicam Hamburgensem seu Bremensem ibidem attestantem li. 1. c. 12. &c. Eidera sciungit Diœcesin Bremens. & Slesuicens. Nā etiam in Speculo Saxonico libr. 3. artic. 54. nominantur

duo Archiepiscopatus, & quindecim suffraganei Saxonia: sed Slesuicensis inter eos non nominatur. Nam à plerisq; centen-
nis annis antea suffuit Archiepiscopo Lundensi in Dacia, &
ius, Regalia, à Regno Dacie dependebant. Præterea Dux Sles-
uicæ, vt à plerisq; accepi, nō impetratur (petitur) ab Imperio
ratione illius Ducatus, sed duntaxat ratione Ducatus Holsa-
tiae. Et licet inclitus ille Hēricus de domo Saxonica, Romanus
Rex & Cæsar Holsatiam tanquam terram Imperio subie-
ctam defendere volens: qua recuperata progressus in Da-
niā constitueret Slesuici Marchionem, tamen in morte
ipsius Henrici Marchionatus Danorum Slesuici interiit, teste
præfato Alberto Crantz. libr. 2. cap. 9. & eiusdem incliti
Hinrici Cæsaris Gloriosissimus filius, scilicet Magnus ille Ot-
to Imperator, ad laudabilem propagandam fidem Catholi-
cam etiam fuit ingressus Daniam, prout & pleraque alia
Regna, hodie tamen libera: & optimus Princeps zelo Chri-
stianitatis passus est Marchionatum antiquari, vt Dani pa-
terentur ibidem erigi Episcopatum, similiter & in Ripen,
teste sèpè dicto Crantz. libr. 3. cap. 25. & 26. Et inter ea
Slesuicum semper subfuit superioritati Daniæ tam in tem-
poralibus quam spiritualibus, palam & publicè, seruan-
turq; per laicos in omnibus iudicijs secularibus leges Dani-
cæ, a tanto tempore, citra cuius contrarium non est in me-
moria hominum. Quod etiam, prout credo, Serenissi-
mus Princeps & Dominus, Dominus Fridericus Rex Da-
niæ, iam alias scripsit Excellentiis vestris, vti vobis
promissum fuit. Et quia sunt à non suo iudice late, prout
mihi in hoc casu viderur, quod bona vestra gratia dixisse
cupio, sunt ipso ipso iure nullæ. Attamen licet Episcopatus
meus sit in solo Danico constitutus: quia tamen nullius
me à parentibus, quam Alemanici sanguinis originem tra-
xisse opinor, ideoq; non libenter certè vellem Imperia-
libus me diuulgari censuris. Nam quemadmodum tam
in Franconia, quam Hispania, & alibi, per vniuersum
orbem

orbem, plerique Almani Episcopatibus, seu alijs Dominijs & prefecturis funguntur, saluis tamen eorundem Episcopatuū, Dominiorum, seu prefecturarum, quoad eadem Regna, exceptionibus & libertatibus: ideoque Excellentiae vestrae, rem tanquam abominandam mibi imputarent, si contra decenniam, quod procul absit, Episcopatum meum indebitè submitterem. Hinc Excellentias vestras amicabiliter oratas cupio, quatenus velint præmissa masticari, & à me persequendo amicabiliter desistere. Registro vestro vbi forsitan Slesuigia (Episcopatus) annotatus est non obstabo. Vbi enim Excellentijs vestris infernire & complacere poterimus, adhoc amicabiliter offerimus nos, & sumus sedulò volentes. Et cupimus nos amicabilibus responsum literis vestris remunerari. Datum Slesuigij ex residentia nostra, die Dominica infra dicta, à Natiuitate Beatae Mariæ semper Virginis anno 1526.

Gotscalcus Dei & Apostolicæ sedis gratia E-
piscopus Slesuicensis.

Inscriptio literarum hæc est.

Generosis, Nobilibus, & Extellentissimis, Domino Adamo Comiti, & Domino in Beichling Romanæ Cæsareæ Maiestatis Camere Imperialis Iudici cæterisq; Dominis presentibus & assessoribus, ac Domino procuratori Fisci eiudem Imperialis Camerae iudicij Dominis & amicis nostris præcipuis, &c. An. 1525 Rex Fridericus omnibus mandauit, literis patetibus suo sigillo firmatis, vt Decimas soluerent Canonicis. Anno 1526 Comitia Kiloniæ habita fuerunt, vbi Canonici Slesuicenses 12000 pendere ac soluere promiserunt, ne Religio à Lutherò inuenta introduceretur, sed vt in Veteri Catholica & Apostolica Religione ac fide firmiter ac constanter permanerent. Anno 1526 Marquardus Sculdorp sororis suæ filiam in uxorem duxit. Quod factum cum Catholici meritò sumopere detestarentur, Lutherus contra Ecclesiæ sensum edito

scripto excusauit vt ex Ambsdorfius, Postea vero Anno 1529. Marquardus sudore anglico correptus vitam cum morte commutauit. Anno 1531. Cometa apud Austrum visus est mense Augusto. Anno 1532 Campanæ omnes ex edibus sacris & templis auferuntur, vna tantummodo relicta & quidem minima. Sed & suppellex omnis aurea & argentea aufertur, vno tantummodo calice relicto: altaria tamen remanent, quod ex lateribus, non auro constarent. Canonici aliquot mille marcas pendere coacti fuerunt, sed & de bonis Capituli diuidendis à Principe mandatum promulgabatur, vt post obitum eorum, qui viuerent, ea in fiscum redigerentur & in arcam referrentur. Cui mandato intercesserunt Canonici & parere recusarunt, tandem regia ordinatione his malis mederi cœptum est. Anno 1532 Cometa visus est mense Iulio in illa cœli plaga quæ septentionem spectat. Quo anno Dux Fredericus in fata concessit. Anno 1532. die Lunæ post Festum omnium Sanctorum, mare inundauit oras illas maritimæ, quæ sub aggeribus sitæ sunt, exundatione maxima. In Strandia perierunt ad 1600. homines. In Eiderstadia 600. plus minus. Domus vna cum pecoribus diuulsæ & vndis maritimis abruptæ fuerunt. Sed & Romæ eodem anno aquæ maxima fuerunt, Tyberi agros inundante cum maxima hominum strage ac interitu. Id infortunium Cometa præcessit & denunciavit. Item feræ sylvestres, cerui & ceruæ quæ insolito more mare traiacentes in Strandiam appulerunt: indicia mali impendentis.

Episcopus Gotscalcus de Aleuelde, postquam Episcopatum Slesuicensem triginta tres annos administrasset, obiit Bollingstedia in prædio hæreditario anno 1541. die 27 Ianuarij, in medio Choro sepultus, vt ex lapide eius sepulchro imposito liquet, cuius hæc inscriptio est. Anno 1541. die 25 Ianuarij obiit Reherendus in Christo Pater & Dominus Gotscalcus de Aleuelde Episcopus Slesuicensis.

CA.

C A P V T VI.

FRIDERICVS I. Dux Slesuicensis decimus tertius, & Holsatiae, post Ducatum factam diuisionem cum fratre Iohanne Rege Daniæ contra Patris testamentum. Natus Anno Christi 1456. Post Christiernum reiectum Rex Daniæ 97. & Noruegia à Regni Ordinibus electus Anno Christi 1524. cuius ætate, abrogata ac antiquata Veteri Catholica Religione ac fide, noua Lutheri doctrina in has regiones introducta fuit. Obiit Gottorpij, & Slesuiga in Choro templi Cathedralis sub monumento alabastrino sepultus Anno Christi 1533. 10 April. Liberi progeniti ex coniugibus: Primum ex Anna Brandenburgica Ioachimi Secundi sorore, nupta 1500. mortua 1514. Bordesholmij sepulta: 1. Christianus Tertius Rex Daniæ 98. &c. (de quo postea) 2. Dorothea nata Anno Christi 1504. nupta Alberto Quinto Marchioni Brandenburgensi, Duci Borussiæ Anno 1525. obiit Anno 1545. Ex altera coniuge Sophia Pomerani Bugislai Decimi filia, Chilonij mortua, Slesuici sepulta, Liberi: 1. Iohannes Senior, Hæres Noruegiae, Dux Slesuici & Holsatiae 14. natus Anno 1521. Haderslebia defunctus & ymoꝝ Anno 1580. 2. Octobr. 2. Adolphus Dux Slesuicensis 15. & Holsatiae, Princeps Magnanimus ac Bellicosus: Natus Anno 1526. 25. Ianuarij. In obsidione Metensi Philippo Hispaniarum Regi militauit Anno C. 1526. multisq; prælijs strenue ac animosè se gesit: In Dithmarsico bello lethaliter vulneratus Anno 1559. sanitatem recepit. Obiit 1586. 1 Octobris Slesuiga sepultus. Ex Christinae Philippi Hassiæ Landgrauij filia nupta 1564. Liberi. 1. Fridericus Dux Slesuici 16. & Holsatiae, natus Gottorpij Anno C. 1568. 21 Junij, florente ætate obiit Anno 1587. 5 Junij Slesuici sepultus.

2. Se-

2. Sophia Chilonij nata Anno C. 1569. 13 Maij. Iohanni
 Duci Megaloburgensi An. 1588 nupta, (qui obiit Anno 1592)
 Mater Ducum præsentium Megaloburgensium, A-
 dolf, Friderich & Hans Albrecht. 3. Philippus Dux
 Slesuicensis 17 & Holsatiae, paternarum virtutum æmulus.
 Natus Gottorpis 1570 10 Augusti: obiit Phtisi anno 1590. 18
 Octob. 4. Christina Chilonij nata Anno C. 1573. 12 April.
 Carolo Regi Sueciæ nupta anno C. 1592. Mater Regis ul-
 timi Sueciæ, Gustaui Adolphi, (qui post multa bella cum
 Rege Poloniae gesta, tandem armata militum manu Regno
 Sueciæ soluens, atque in Germaniam contra inuidissimum
 Imperatorem Ferdinandum 2. expeditione suscepta, dum
 multis prælijs cum Cæsareo exercitu acriter dimicasset, tan-
 dem Anno 1632 in Lipsensi pugna victus atque Casus fuit)
 & eius fratri Caroli Philippi Ducis Sudermanniaæ, qui
 & ipse ante aliquot annos obiit, Regno iam Rege ac capite
 penitus orbato, ac destituto. 5. Elisabetha nata anno C.
 1574. 10. Martij. Obiit anno 1587. 11 Ianuarij, anno Æta-
 tatis 14. 6. Anna gemella, nata anno 1575. 27 Februa-
 riij, Ennoni Frisiae Comiti nupta anno 1598. Obiit anno 1615.
 7. Iohan Adolf Dux Slesuicensis 18 & Holsatiae, na-
 tus anno 1575. 27 Februarij. Electus Episcopus Bremensis an.
 C. 1585. Nuptias Hafniae celebrauit cum Illustriss. Augusta,
 Friderici Secundi Regis Daniae filia anno 1596. 30. Augusti.
 Obiit Anno C. 1616. 31 Martij. Slesuici in Æde Cathedrali
 sepultus (Liberi postea sequentur.) Hic Princeps ut erat lite-
 ratissimus, atque in omnibus linguis ac scientijs versatissi-
 mus, ingenti ac ardentí studiorum amore ac desiderio, quo
 flagrabat, instructissimam ac locupletissimam cuiusvis ge-
 neris, in omnibus linguis, artibus, scientijs ac facultatibus,
 libris ac monumentis refertissimam Bibliothecam, Gottor-
 pij in Aula, magnis sumptibus ac impensis constituit, ac post
 se reliquit, cui, & multitudine, nec non varietate & delectu
 selectissimorum Authorum vix similem aut parem in Ger-
 mania

mania reperiri existimo. Insigni huic Bibliothece, Dominum Henricum Lindenbrog Hamburgensem, Philosophum & ICTum Eximium, Bibliothecarium præfecerat: quo quamdiu in Patria vixi, & familiarissimè in quotidiana conuersatione, & quoad librorum usum & lectionem, dum in Aula Gottorpensi ageret, admodum propenso ac beneuolo semper usus sum. Hic quoque Princeps Illustrissimus Iohannes Adolphus Augustissimæ memorie, inter reliqua nostræ familiæ clementer præstata atque exhibita beneficia, me quoque infantem anno C. 1592 ex sacro baptismatis fonte suscipere non fuit dignatus, cuius & ego nomine appellor. 8. Christianus (Adolphi Duci Slesuicensis ac Holsatiae filius) Gottorpij natus anno C. 1576. 26 Maij. Obiit anno C. 1577. 22. April. 9 Agnes nata Gottorpij anno 1578. 20 Septemb. 10. Iohan Fiderich ex resignatione fratis Iohannis Adolphi anno C. 1591 Episcopus Bremensis & Lubecensis, natus anno 1579. 31 Augusti.

Fridericus Quartus, Friderici Primi Regis Daniæ filius, Episcopus fuit Hildesiensis & Slesuicensis, Coadiutor Bremensis, natus ex Sophia anno C. 1529. Obiit anno C. 1556 Chilonij. AEtatis anno 27. Slesuici sepultus in monumento regio.

Dorothea, Fiderici Primi Regis filia, Christophoro Duci Megaloburgensi nupta, à sorore in monumento Regum obtritorum funerata Anno C. 1575.

Elisabetha, Friderici Primi Regis filia, primùm Magni, deinde Ulrici Ducum Megaloburgensium coiux anno C. 1556 Mater Sophiæ, Reginæ Daniæ, Friderico secundo nuptæ anno 1572. 20 Iulij, nata anno C. 1524. Obiit anno 1586 etatis 62. Guthoræ, Gustrauij sepulta 14 Octob. Anna Dorotheæ soror peste obiit anno C. 1535.

CHRISTIANVS III. Rex Daniæ 98 & Norvegiae. Dux Slesuici & Holsatiae Natus anno C. 1503. 13 Augsti. Bellis & turbis varijs in Dania sotitis coronam sibi imponi curauit

anno

Anno C. 1537. Academiam Hafniensem instaurauit Obijt
Coldingæ Anno C. 1559. Ex Dorothea Magni Louuenbur-
gensis Ducis filia nupta Anno C. 1525. mortua Sonderburgi
Anno C. 1571. 7. Octob. Liberi. Iohannes Iunior, Hæres
Norvvegiae, Dux Slesuici & Holstiae in Sonderburg: natus
Anno C. 1545. 25 Martij. Obijt Anno 1622. Liberi huic
nati: primum ex coniuge priori Elisabetha, Ernesti Du-
cis Brunsvicensis & Luneburgensis in Grupenhagen filia,
nupta Anno C. 1567. 19 Septemb. Coldingæ, obijt Anno
1586. 16 Februarij. 1. Dorothea nata Anno 1569. 16
Octob Friderico Lignicio nupta Anno C. 1589.

2. Christianus natus Anno C. 1570. 26. Nouemb. 3. Er-
nestus, natus Anno Christi 1572. 17 Ianuarij. 4. Alexan-
der natus Anno C. 1573. 20 Ianuarij 5. Augustus natus
Anno 1574. 21 Iulij. 6. Maria nata Anno 1575. 22 Augu-
sti 7. Iohan Adolff natus Anno 1576. 17 Septemb.
8. Anna nata Anno 1577. 17 Augusti. 9 Sophia nata
Anno 1579. 13 Augusti 10. Elisabeth nata Anno 1580
11. Friderich natus Anno C. 1581. 26. Nouemb. 12. Mar-
garetha nata Anno 1583. 24. Februarij 13. Philippus na-
tus anno 1584. 15. Martij 14. Eleonora nata anno 1590.
4. Aprilis 15. Anna Sabina nata anno 1593. 2 Martij 16.
Albrecht obijt febri Dresdæ 1613. 10 Aprilis.

Ex altera Iohannis Iunioris Coniuge, Agnete Hed-
vig, Ioachimi Ernesti Anhaldini filia, Augusti Electoris Sa-
xoniae Vidua, nupta Anno C. 1588. 25 Februarij, mortua
anno 1616. 3. Nouemb. Liberi. 1. Hans Georg natus 1594.
9. Februarij. obijt 1613. 25 Ianuarij 2. Ioachim Ernst na-
tus 1595. 29 Augusti 3. Dorothea Sybilla nata 1597. 13
Martij 4. Dorothea Maria nata 1599. 13. Iulij. 5. Bern-
hard. natus 1601. 1. Aprilis 6. Eleonara Sophia nata
1603. 24 Februarij. 7. Agnes Magdalena nata 1607.
9. Nou. Dorothea, Christiani tertij Regis filia, VVilhelmo
Duci Brunsvicensi & Lunenburgensi nupta, Ducū præsen-
tium Luneburgensium mater, nata Coldingæ An. 1546.

Magnus, Christiani Tertij Regis filius, natus Anno 1540
 14. Augusti, Episcopatus Orpatensis in Liuonia Dynastes in
 Osel, obiit Anno 1580. Iohannis Basiliidis Magni Ducis Mus-
 couie fratri filia, Maria ipsi desparsata. Anna Christiane
 Tertij Regis filia nupta Augusto Electori Saxoniae, auo præsens
 Electoris Iohannis Georgij A. 1548. die Latare nata. Obiit 1585
 10. Octob. Fridericus II. Christiani Tertij filius, Rex Da-
 niæ 90. Norvegiae, Vandalarum Gothorum. Anno 1589.
 Dux Slesuici & Holsatiae, &c. natus Anno 1534. 30. Junij,
 auxilio patruorum Iohannis & Adolphi Dithmarsos vicit an.
 1559. Ab anno 1563. cum Erico Decimoquarto Rege Sueciae
 usque ad annum 1570. indefinenter bellum gesit. Obiit anno
 1588. Anderschovv. Roschildia sepultus. Ex Sophia Megaloburgensi nupta Anno 1572. Liberi. 1. Elisabetha Col-
 dingæ nata Anno C. 1573. 25. Augusti. Hinrico Julio Duci
 Brunsvicensi & Luneburgensi nupta: Mater Ducū Brunsvicensi Friderich Ulrich qui hac etate vixit, duxitq;
 vxorem e Domo Brandenburgi & Christiani Episcopi
 Halberstadiensis qui in prelio contra Imperatorem, brachio
 globulo leso ac vulnerato, tandem ense reciso, mortem obiit.
 2. Anna nata Scanderburg an. C. 1574. 12. Octob. Iacobo
 Secundo, Regi Scotiae & Britaniæ nupta an. 1589. obiit. 1619
 13. Martij. 3. Christianus Quartus (Friderici secundi fi-
 lius) Rex Daniæ Centesimus An. C. 1596. 29 Augusti, natus
 Friderichsburi anno. 1577. 12 Aprilis. Ex coniuge Anna
 Catharina pia memorie Ioachimi Friderici Electoris Bran-
 deburgensis filia, an. 1597. 20 Nouemb. nupta, nata an. C.
 1575. 26 Junij, mortua an. 1612. 29 Martij. Liberi sequentes
 1. Fridericus natus Friderichsburi. an. 1599. 15. Augusti,
 paulo post expirauit. Roschildia sepultus. 2. Christianus V.
 Designatus Rex Daniæ 101. & electus Princeps An. 1608
 27. Maij. Homagio accidente, an. C. 1610. 14 Martij. Hafnia
 natus a. 1603. 16. Apr. 3. Sophia Coronaburgi nata an. 1605
 4. Ianu. Obiit postea 7. Decemb. Hafnia. 4. Elisabeth Hafnia
 nata,

nata anno C. 1606. 16 Martij: obiit Scanderburgi anno C. 1608. 24 Octobr. 5. Fridericus natus Hadersleuiae anno C. 1609. 18 Martij. 6. Huldericus natus Hafniæ anno 1611. 2 Februarij, Electori saxonie Iohanni Georgio in bello militans interfectus est, proximo anno 1633.

Huldericus (Friderici secundi Regis Daniae filius secundus) administrator Diœcesis Svverinen sis, natus Anno 1578. 30 Decemb. Coldingæ, obiit in Butzov ibidemq; sepultus.

Augusta (Friderici secundi Regis Daniae filia natu ter tia) nata Coldingæ anno 1580. 8 April. Illust. Principi Iohanni Adolpho Duc i Slesuici & Holsatiae nupta Anno C. 1596 Liberi postea sequentur.

Hedvigis (Friderici secundi Regis Daniae filia natu ter tia) nata Friderichsburg Anno C. 1581. 5 Augusti. Christia no secundo Electori Saxoniæ, qui obiit anno C. 1611. 23 Junij, nupta Anno C. 1602. 10 Septemb.

Iohannes, Friderici secundi Regis Daniae filius postremus, natus Hadersleuij anno C. 1583. 26 Iulij: in Musconia obiit Anno C. 1602. 28 Octob. ibidemq; 25 Nouemb. Sclauoddæ sepultus.

Iohannis Adolphi Ducis Slesuicensis ac Holsatiæ Liberi. 1 Fridericus Dux Slesuicensis 19. & Holsatiæ, Princeps Heroici ac Generosissimi animi, multarum linguarum ac diuersarum regionum cognitione ac usu, præclarus ac insignis, rerū gerendarum peritis simus, iustitia ac pacis amantis simus, Dominus meus Clementissimus, natus est Anno 1607. 22 Decemb. Cui subditi Homagium præsterunt. Anno C. 1617. Hic anno 1630. in matrimonium duxit Serenissimi Electoris Saxoniæ Iohannis Georgij filiam, Mariam Elisabetham. Nuptiae summo splendore ac magnificencia Anno 1630. 21 Februarij in Aula Dresdensi, presentibus Sacro sanctæ Cæsareae Maiestatis, Ferdinandi Secundi Imperatoris, Electorumq; Imperij Legatis, multisq; alijs Illustrißimis Principibus, Baronibus ac Viris Nobis-

Nobiliſimis ſua praefentia ſolennem hunc conuentum ornatibus ac decorantibus. Confecta ac tranſacta illic nuptiarum hac festiuitate, Illuſtrissima Coniunx, magno ac ampliſimo Nobilium Comitatu ex Saxonia in Holsatiam deducta, illicq; magnificè ac ſplendide accepta, multorum Principum ac Nobilium conuentu in arcem Gottorpium introducta fuit: vbi aliquot dies ſumma festiuitate ac hilaritate cōſumpti fuerunt. Ex Illuſtrissima autem hac coniuge, Domina Maria Elisabetha, tres liberos ſuſcepit 1. Sophiam Auguſtam, quæ nata Anno 1630. 5 Decemb. 2. Magdalenam Sybillam, quæ nata An. 1631. 14 Nouemb. & 3. Iohānem Adolphum, Illuſtrissimi Patris nomine Auguſtiſimæ memoriae appellatum, qui natus Anno C. 1632. 30 Septemb. Hic Princeps Illuſtrissimus Fridericus, inter alias res præclarè gestas, Vrbem quandam decoram ac ſpeciosam, loco admodum amœno ac fertiliſimo, & ad negotia tractanda, mercaturamq; exercendam, quam opportunissimo ac accomodatiſimo, mari finitimo, ex fundamentis extrui ac edificari curauit, quæ ipsius Celsitudinis nomine Vrbs Friderici ſive Friderich Stade appellatur: in qua Catholicis publicum ac liberum Religionis uſum atque Exercitium (ut & in Regione illa ampliſſima, longeq; patentissima ac fertiliſſima, & ad commercia ac negotiations quam cōptiſſima, ac opportu- niſſima, nomine Bugisloot, quæ hodie magnus ſumptibus ac impensis à Belgis, ac Hollandis à mari excluditur) permiſit atq; cōcēſſit. Pro qua inſigni clementia ac beneuolentia, Catholicis præſta atque exhibita, Celsitudini eius immenſa gratia ac eterna gloria merito debetur. Huic Eccleſiæ Ca- tholicæ, quæ iam iſthic loci in Holsatia colligitur, ſummo cum fructu præſt, Vir Reuerendus, Doctiſſimus ac Celeberri- mus Nicolaus Iansenius natione Belga, Ordinis Dominica- norum, SS. Apoſtolicæ Sedi Missionarius Dominus meus ho- norandus: cuius frater Quirinus Iansenius Vir prudentiſſimus, Commissarius illic eſt constitutus ac ordinatus. Tertius

Ee

autem

aūt Frater, Vir Reuerendus, Pius ac Deuotus Dominicus Iā-
senius Ecclesiæ Catholicæ, quæ Hamburgi colligitur, edificā-
dæ ac propaganda, non minori studio diligentia ac vigilantia
operam dat ac inseruit. 2. Elisabetha Sophia (Illustrissi-
mi Principis Iohannis Adolphi filia) nata Anno C. 1509. 19
Octob. Augusto Lovvenburgensi Duci nupta Anno 1620. quæ
iampridem obijt. 3. Adolphus, Princeps magnanimus, ac
bellicosissimus, natus Anno C. 1600. 5. Septemb. Hic Prin-
ceps Gloriosissimus, Illustrissimi Principis ac Domini, Adol-
phi, Aui sui Paterni vestigijs præclarè insistens, sub Inui-
ctissimo Imperatore Ferdinandō Secundo aliquot an-
nos collectis Selectissimorum ac Veteranorum Militum, tam
equitum quam peditum copijs, in Germania stipendia me-
ruit multis prælijs strenue ac animosè se gessit, tandem vero
infelici admodū Fato in pugna Lipsensi, vna cum alijs non-
nullis Magnanimis ac Fortissimis Militiæ Ducibus ac Impe-
ratoribus in florentissima adhuc atate gloriösè occubuit. An.
C. 1631. Princeps propter Eximias ac verè Heroicas animas
corporisq; Dotes ac Virtutes, animi fortitudinem, rerum Mi-
litarium peritiam & experientiam, longiori vita dignus, si
Deo immortali ita visum fuisset. Corpus mortuum paulo post
in Holsatiam in Aulam Gottorpianam deductum, magnaq;
Exequiarum solennitate, more militari in Auito ac Patrio
monumento Ædis Cathedralis conditum ac repositum fuit.
4. Dorothea Augusta (Illustriss. Principis Iohannis A-
adolphi filia) nata Anno C. 1602. 12 Martij, nupta Ioachimo
Ernesto Principi Holsatiæ, Domino in Arensbock, Plone, &
Reinevelde: nuptiæ magnificè ac splendide AC. 1632. in aula
Gottorpensi celebratæ fuerunt. 5. Hedevig, (Dorothea Au-
gusta soror,) nata A. 1603. 13 Decem. Illustriss. Principi Augu-
sto, Comiti Palatino ad Rhenum, &c. nupta Anno 1620.
6. Anna nata 1605. 9 Febr. quæ obijt 7. Hans Princeps
Generosa ac Heroicae indolis, multarū linguarum ac regionū
peritissimus natus Gottorpij A.C. 1606. 18 Martij. 8. Chri-
stian

ftian Gotorpij natus An. 1609. 1. Decem. mox expirauit.

Nuncredeamus ad historiam. Friderico mortuo, in imperio successit Christianus III. Rex Daniæ, sub cuius regni auspicium, ingentes turbæ ac tumultus in Dania moti & excitati fuerunt. Nam defuncto Rege Friderico, Episcopi Regni Daniæ, penes quos suprema authoritas ac præcipuū suffragiū est eligendorū Regū Daniæ, electioni Iohannis Regis Friderici filij natū minimi, totis viribus resistebāt & contradicebāt: propterea quod Lutherana religione à puero imbutus, eā firmiter ac constanter amplecteretur ac profiteretur. Regni itaq; ac Religionis summopere interesse existimabant, nouā Regis electionem aliquantis per suspendere ac producere, ac per seipso, semoto Rege, regnū administrare, quō melius ac cōmodius nouā, ac à Rege Friderico recens introductā Lutheri doctrinā penitus iterū abolere, antiquamq; Catholicā Religionē ac fidem retinere ac defendere possent. Sui enim munieris atq; officij esse existimabant, pro salute Ecclesiæ atq; animarū diligenter excubare, neq; permittere, vt vlla alia, q̄ vna vera Catholica & Apostolica doctrina, & qua & Regni incolimitas, & animarū salus vnice pēderent, in Ecclesijs doceretur ac populo propōnētur. In eū finē, mandata passim nomine totius senatus, cuius ipsi Principē locum obtinebant, promulgabāt, vt intra certū ac præfinitū tēpus in omnibus prouincijs, ciuitatibus ac vicis Lutheranos Prædicatores iterū abrogarent ac dimitterent, eorūq; loco Orthodoxos ac synceros ab Episcopis approbatos ac cōmēdatos iterū susciperent, indicta simul ac denunciata gravissima pœna, quod nisi infra præfinitum tempus huic mandato obtemperarent, tam Lutheranos Concionatores, quam eorum Patronos, fautores, defensores & assecras carcere & exilio mulctatum iri.

E e 2

Cum

Cum igitur propter nouam ac recentem Lutheri doctrinam, se in tanto periculo ac discrimine versari perspicerent, præcipue Daniæ ciuitates *Hafnia* & *Malmogia*, quæ Lutheri doctrinam & confessionem iam pridem susceperant, prævio consilio ac deliberatione, ad Christianum Holsatiæ Ducem Friderici Regis filium sese contulerunt, cumque supplicirer ac demisse rogarunt, ut sibi opem & auxilium ferret, & ut tam Religionis quam fratri sui Maiestatis ac iurisdictionis tuendæ ac detendendæ, curam ac patrocinium susciperet. Quod facere recusauit, neque consultum fore existimauit, ut se temerè, qui semper pacis ac concordiæ hactenus amantissimus ac studiosissimus fuisset, nouis huiusmodi turbis immisceret ac oneraret, id eoq; responsum dedit, habere ipsos suum Regem Iohannem, ipsum & suum honorem ac dignitatem, imperijque Maiestatem, proprio marte tueri ac defendere posse. Hac spe itaque frustrati ciues, suæque petitionis à Christiano repulsam passi, tandem communicatis cum Lubecensibus consilijs, Christophorum Comitem Aldenburgensem de ope & auxilio ferendo, summis precibus sollicitant. Qui statim petitio ni eorum obsecutus, operam & auxilium ad illorum defensionem ac tutelam haud grauatae illis promittit. Hac enim ratione optatae maximeq; opportunam sibi occasionem offerri existimabat, qua Christiernū Regem captiuum & exulem, sobrinum suum, in pristinum honoris ac dignitatis gradum restituere, nec non iniuriam ac contumeliam ipsi illatam, aliqua ratione iterum vindicare ac ylcisci posset. Lubecenses quoq; siue vindictæ cupiditate adducti, quod hac ratione iracundiæ ac acerbitalis suæ virus iamdudum in Danos ob denegatam aduersus Hollandos opem animo conceptum, cominodè iam euomere se posse putarent,

tarent, siue studio tuendæ ac defendendæ Religionis, ac doctrinæ Lutheri, siue spe maiorum priuilegiorum ac immunitatum hac ratione in Dania consequendarum id fecerint, promptissimos ac paratissimos se ad hanc rem profitentur. Priusquam autem expeditiō nem in Daniam suscipiunt, Holsatos primum hostiliter inuadunt, eorumque terras ac regiones, occupatis aliquot arcibus, miserè spoliare, vastare, ac depopulari incipiunt, eosque tandem planè opprimere, omnibusque viribus ac facultatibus penitus exhaūrire conantur, ne postea Danis, eorum opem & auxilium implorantibus suppetias venire possent. Violentis itaque ac hostilibus Lubecensium irruptionibus, ingentibusque damnis ac detrimentis suę ditioni illatis, tandem Christianus commotus ac incensus, arma quamquam inuitus capere cogitur, vicinorumque ac confederatorum Principum ac ciuitatum auxilio implorato, aciem instruit, & cum Lubecensibus acerrimis aliquot prælijs fortiter ac animosè confligit: quorum copijs partim fusis ac dissipatis, partim omnino concisis ac trucidatis, victoria tandem potitur, arcesque omnes à Lubecensibus occupatas iterum expugnat, atque in suam potestatem redigit. Quo peracto, Comes Aldenburgenſis copias suas vndiq; collectas statim in *Selandiam*, Daniæ prouinciam transmittit, cū que se Exulis & captiui Christierni Regis nomine hāc expeditionem suscipere diceret, vt istum in pristinum honoris ac dignitatis gradum restitueret, aduentus eius passim omnibus, vulgo imprimis ac multitudini gratius ac acceptus fuit, statimque in arcem ac urbem ab Hafniensibus intromissus ac receptus fuit: inde in reliquas Daniæ prouincias progressus, quæ & ipse ferè omnes vltrò se ei submiserunt, ac Christierni Regis nomine præstito solenni iuramento Fidem

& obsequium illi promiserunt. Cum ita prospere ac feliciter Comiti huic Aldenburgensi negocium hoc sub manus succederet, Dania ferè iam tota pacata, procerumque gratia ac benevolentia, ut ipse existimaret, sibi conciliata, nihilque amplius quicquam periculi sibi metuendum esse existimaret, tandem animo ocioso, remisso, ac languido esse incipit, seque iam ab omni periculo tutum ac immunem in portu nauigare arbitrabatur, parumque sedulò ac diligenter res suas curabat. Interea Nobilitas *Iutia*, quæ imprimis acerrimo ac infensissimo odio Christiernum Regem persequebatur, coniuratione clam facta cum reliquis *Fionia*, *Selandia*, & *Scania* nobilibus, de Christophoro Comite Aldenburgensi vi Regno expellendo, & Christiano Holsatiæ Duce, Rege creando ac eligendo, resistantibus licet ac contradicentibus Episcopis, consilia ineunt, eiusque opem & auxilium implorant. Qui statim eorum petitioni obsecutus, ut Daniam ab huiusmodi onere ac molestia tandem liberaret, atque tranquillum collocaret, firmo hinc inde collecto exercitu, valida copiarum manu Iutiam primum inuadit, incolas & subditos Christierni partibus fauentes armis oppugnat, inque suam potestatem redigit, breuique temporis spatio tota *Iutia* potitur. Qua subacta, porro in *Fioniam* copias suas transmittit, eamque similiter sibi subiicit. Supererat tandem sola *Hafnia* Daniæ Metropolis, quæ & ipsa post longam ac durissimam obsidionem inopia frumenti ac commeatus pressa, sese dedere coacta fuit. Ita tota fere Dania bello subacta ac pacata, Rex Christianus tandem omnibus suis hostibus, Comite Christophero Aldenburgensi, & Alberto Duce Megapolitano, qui illi opem & auxilium tulerat, in obsidione *Hafniensi* potitur. Quos omnes iam in suam potestatem

statem redactos, liberos ac impunè dimittit, simul quoque Regni incolis omnibusque rebellibus, omnium delictorum ac offendarum veniam ac impunitatem benigne concessit: in Episcopos autem, quos præcipuos harum turbarum authores esse existimabant grauius ac scuerius animaduertendum esse putauit, eosque carceri ac custodiæ confessim tradi atque includi iussit. Tandem carcere eductis, vniuersis & singulis, numero septem, Toberno Bilde Episcopo Lundensi, Canuto Guldenstern Otthoniensi, Iacobbo Ronnov Roschildiensi, Iuaro Munck Ripensi, Strigone Krumpen Burglanensi, Georgio Frise Wiburgensi, Auone Bilde Arhusensi ab officijs suis remotis, publicisque docendi ac præsidendi muneribus ipsis abrogatis, septem alias Episcopos vel Superintendentes Lutheranæ religioni addictos, & à Iohanne Bugenhagio (cuius in primis opera & consilio Rex Fridericus in religionis hac mutatione vtebatur) ipso præsente Rege ac Regni senatu in summo templo Hafniæ verbi ministros designatos substituit.

Huic quoque Christiano Holsatiæ Ducì, Patre, Rege Friderico adhuc in viuis existente, ac regnum Daniæ tenente, cura ac negotium immutandæ religionis, rituumque Ecclesiasticorum innouandorum in Holsatia Anno 1531. à Patre iniunctum ac commendatum fuit. Ad quam rem conficiendam in primis Eberhardi Widensei Doctoris Marburgo euocati, nec non Hermanni Tastij Prædicantis Flensburgensis opera & consilio usus est. Quibus ex nobilitate Iohannes Rantzouius aulæ Magister, Iohannes Reuentlovv, & alij adiungebantur. Ita tandem Christianus Holsatiæ Dux Victoria potitus, Episcopis Regni abdicatis, Hafnia Daniæ Metropoli

occupata, totoque regno in tranquillum collocato,
Rex creatus ac electus fuit, preces ac solennes cere-
monias Iohanne Bugenhagio administrante ac perfi-
ciente.

Quanquam autem hæc Religionis, rituumque Ec-
clesiasticorum mutatio sit facta, remanserunt tamen
nihilominus adhuc rudera quædam & quasi reliquæ,
quæ tanquam clarissima ac evidentissima signa ac ve-
stigia, antiquæ ac auctæ Religionis, veterisque Catho-
licæ & Apostolicæ Ecclesiæ faciem ac statum, haud
obscure nobis indicant atque adumbrant. Nam inter
reliqua: Templo, ac Aedes sacræ à Catholicis magnis
sumptibus atque impensis erectæ ac constitutæ, ad-
huc illorum usui ac exercitijs inseruiunt, & quamuis
plurimis in locis antiquis ac vetustis suis ornamentis,
pristinaque gloria ac decore miserere spoliatae ac or-
batæ reperiantur; nihilominus in quibusdam Tem-
plis adhuc supersunt, Imagines Crucifixi Christi, Dei-
paræ Virginis Mariæ, simulachra Apostolorum, alio-
rumque Sanctorum, Episcoporum, Doctorumque
Ecclesiæ, quorum imagines partim in parietibus, ac
fenestris, partim etiam in lapidibus sepulchralibus,
æde imprimis Cathedrali Slesuicensi clare atque ad o-
culum cernuntur. Præterea residua sunt adhuc eò loci
Altaria, rei diuinæ facienda sacrisque peragendis à
Catholica Ecclesia dicata ac consagrata, cum suis ima-
ginibus, quorum maximum numerum in Patria
mea Slesuicensi in Aede Cathedrali adhuc cernere ac
videre licet. Et est certè res non solum consideratio-
ne, verum etiam admiratione digna (quod saepius
me usum ac obseruatum fuit) quod in summo
Templo siue Aede Cathedrali Slesuici in Alta-
ri, ubi adhuc singulis diebus Dominicis consue-
to more communicantibus cœna porrigitur,
hæc

hæc verba aureis literis scripta leguntur. Sancta Maria ora pro nobis. Reperiuntur quoque isthic loci in singulis fere Ciuitatibus, quibusdam etiam vicis majoribus ac amplioribus Organa, quæ diebus Festis ac Dominicis, siue quādo alias conciones habentur, nisi tempus luctus inciderit, pulsari solent. Baptisteria quoque, prout à veteri Catholica & Apostolica Ecclesia relicta sunt, ad sacrum hoc officium peragendum, salua ac integra adhuc remanserunt.

Retulit mihi quoq; Reuerendus Pater Esaias Cruxius, è Societate Iesu, natione Bremensis, affinis Nobilissimi, Amplissimi & Consultissimi viri Domini Erici Heidman, Illustrissimi Principis Holsatiæ &c. Cancellarij longè dignissimi, (qui propter senilem æatem, grauitate, prudentia, rerumq; vsu & experientia egregie ornatam ac decoratam, totius Aulae Gottorpiensis, Patriæq; meæ Holsatiæ præclarum est ornamentum: quo, quamdiu in Patria vixi, beneuolo ac gratiosissimo semper vsus sum, cui vicissim, cum reliquis Collegis ac Aulae Consiliariis, Amplissimis & Spectatissimis viris, Dominis ac Patronis meis olim honorandis, fausta ac felicissima queq;, Spiritus S. gratiam ac illuminationem, ex animo precor,) se ex fide dignis hominibus accepisse, S. Ansgarij Ædem Hamburgi, quæ olim Holsatiæ Metropolis fuit, construetam ac ædificatam, in qua olim docuit S. Ansgarius ac sacra peregit, nulla vñquam ætate potuisse profanari, atque ad alios vsus transferri: nec enim Merca toribus aut cereuisiæ coctoribus suam S. Ansgarius permisit Ædē illic mercimonij, alijsq; rebus familia ribus ac domesticis agendis ac tractandis profanari. Sed ipsos varijs territos spectris coniecit. Vnde etiam pupillorum ac orphanorum cessit sustentationi, vt nulli non notum est.

Cæterum Ceremonias Ecclesiarum, officiaque
Ec 5 eorum

corum Ecclesiastica quod attinet, post suscep-
tam hanc mutationem Religionis, in ysu adhuc est Lectio
& Explicatio Euangeliorum & Epistolarum Domi-
nicalium, prout in Ecclesia Catholica receptum ac ap-
probatum. Festa quoq; primaria, vtpote Natiuitatis
Christi, Paschatis, & Pentecostes summa solennitate ac
festiuitate, triduo continuo Concionibus & Cantio-
nibus, Psalmis, Organis, Instrumentis etiam Musicis,
in amplioribus ac celebrioribus Vrbibus celebrantur:
præterea alia quoq; Festa vtpote Trium Regum, As-
censionis Christi in cœlum, Annunciationis ac Visi-
tationis Mariæ, Ioan. Baptistæ, D. Michaelis, Omnia
Sanctorum, &c. illis sacra ac venerabilia sunt. Singulis
quoq; annis, certis & statis temporibus, ante Domini-
cam Rogationum iussu & authoritate Magistratus
dies Rogationum siue publicarum Precum integro
triduo in Templis, publicis Concionibus, Orationib.
Psalmis & Litania celebrandi indicuntur ac præscri-
buntur. In administratione Baptismi retinetur adhuc
consueto ac vñitato more Exorcismus, Diaboli, eiusq;
operum ac essentiæ abiuratio ac renunciatio, Crucis
in fronte & pectore signatio, orationis Dominicæ, a-
fiarumq; precationum de ysu & efficacia Baptismi re-
citatio, symboli quoq; Apostolici per interrogationē
Ministri, & responsionem Patrinorum publica con-
fessio: trina aquæ aspersio, in Nomine Patris, &c. ac
tandem Gratiaæ ac Diuinæ benedictionis imprecatio.
In administratione Cæne, quæ in Altari peragitur, ad-
huc Cerei accenduntur, Prædicantes, qui ministrant,
ritu ac more Catholicorum, vestibus Sacerdotalibus,
quæ à veteri Ecclesia Catholica in plurimis locis ferè
adhuc supersunt, induuntur ac ornātur. Consecratio
autem more illorum fit nuda saltem recitatione ver-
borū institutionis Dominicæ, præmissa oratione Do-
mini-

minica, & subsecuta gratiarū actione post cœnæ sumptionem. Vsurpatio autem ratione communicantium fit sub specie vtraque, quamuis more consueto viſus panis, ſive rotundæ ac orbicularis hostiæ cū signo crucifixi Christi, & vini, vñā cum patellis ac calicibus deauratis, vnde illa externa elementa exhibentur ac porrigituntur, adhuc apud illos vigeat. Ante sumptionem cœnæ autē adhuc vſitata eſt arcana, vel vt cōmuniter vocāt, *Auricularis confefſio*, vel eodē die cū cœna admiftratur, vel pridie ante ministro facienda. Ægris ve-rō maleq; habentibus priuatim in ædibus cœna admiftrari ac exhiberi ſolēt: qui & plerunq; corā Ecclesia publicis precibus ante & poſt concionē Deo commēdari ſolent, subsecuta poſtea gratiarū actione, vel pro recuperata ſanitate, vel felici obitu ac diſceſſu. *Ordinationes Ministrorū* quod attinet, ſolent illæ ſemper publicè peragi corā Altari in Ecclesia, à conſtituto Præpoſito vel Superintendentे, præmiſſo tamē prius dupli, priuato nimirum ac publico examine, adhibitis ad hoc negotiū alijs tribus Ministris, qui oratione ac imposiſione manuū actum hunc ſolennē confirmare ac decorare ſolēt: qui actus tandem, confecta ordina-tione, vſitato Canticō Te Deum Laudamus finiri ac cōſummari ſolet. *Horæ quoq; Canonice* in ſummo Tēplo Slesuici mane & poſt meridiē Lectionibus ac canticis Latinis à Magistris & pueris è Schola adhuc celebrantur. In p̄cipuis ac ſolennib⁹ Festis, quibusdam in locis Latine adhuc ſursum corda cani ſolet: in nomi-ne Iefu ſemper genua flectuntur, capita aperiuntur, quando coram Altari Euangelia ac Epiftole quamuis lingua vernacula leguntur ac canuntur, populus ſurgit & ad auſcultandum ſe parat: cœnam quoq; ſumpturi in genua coram Altari procumbunt. *Canonico-rum quoq; diſtincta nomina* adhuc in viſu ſunt, quāuis

uis Ecclesiastica eorum officia ac munera iampridē in desuetudinem venerint ac abrogata sint, bona quoq; ac redditus illis olim destinati iam fermē ad vsum politicum & personas seculares sunt translati. Campanarum quoque usus in istis locis adhuc remansit, quæ, siue conciones habendæ, siue funus efferendum ac exequiæ cohonestandæ, (quæ etiam plerumque in Adultis, ac honestioris famæ ac familiæ hominibus, concione aliqua funebri ornari solent,) siue orationes ad Deum fundendæ, semper tangi ac pulsari solent. In quibusdam locis, præsertim tamen apud rusticos ac agrestes, qui sunt grandiores natu, ac ætate prouectiores, usitatæ adhuc sunt orationes pro defunctis, quibus genibus innixi, defuncti ac sepulti animam Deo commendare solent, neque illa ratione à pia ac religiosa maiorum suorum consuetudine auelli possunt, quin, & in exequijs, alijsq; honestis congressibus, quoties defunctorum incidit mentio, frequetissimè hac loquèdī formula utantur deren Seelen Gott gnade : cuius vel quorum animæ Deus misereatur. Crucis quoq; signationes ante & post orationes, quoties templum intrant & egrediuntur, cibū sumūt, aut cubitum discedunt: apud quosdam etiam die Veneris ante Pascha abstinentiacarnis: apud alios totius diei ieiunium usq; ad occasum solis adhuc in usu sunt. Nuptias quoque celebraturi ternis vicibus prius è suggestu publicè renunciantur, priusquā à ministro, (quod tamen plerumque publicè in Ecclesiastica corā altari à Ministro fieri solet,) copulantur. Tempore a. Aduentus Domini & Quadragesimæ nuptias celebrare prohibitū est: & quæ sunt aliæ Cæremoniæ, &c.

Hac tempestate An. 1544 Comitijs spiræ indictis, pax facta & constituta est inter Carolum V. Imp. & Christianum III. Daniæ Regē, idq; interuentu ac moderatione Ioannis Rantzouij,

&

& Andrea Bilden, ex parte Regiae Maiest. huic negocio destinorum, cumq; antea ob electum Regem Christiernum animis inter se dissidenterent, amicè tandem reconciliati sunt. Ad hanc pacis conciliationem multum imprimis adiumenti præbuit, quod Christianus III. Dania Rex, à Protestantibus de auxilio sibi contra Carolum V. Imperat. ferendo sapientius sollicitatus ac imploratus, omnino pacis ac concordia conservanda, ac vltioris simultatis ac dissensionis evitanda gratia, hoc illis recusauerit. Qua confecta pace, Christianus Rex Dania, legiones suas, quas vndique in praesidiis metu Burgundicarum expeditionum, & in Daniam irruptionum, collocatas habebat, iterum abdicat ac dimittit. Christiernus Rex, quatuordecim annos in arce Sunderburg insula Alsa iam captus, cum comperisset, pacem inter Imperatorem & Regem Daniæ iam firmatam ac constitutam esse, seq; hac ratione, ope & auxilio Caroli V. in quo omnem spem ac fiduciam collocarat, omnino destitutum videret, neque quicquam amplius spei ex custodia liberationis ac in Regnum restitutionis superesse animaduerteret, tandem aequo ac patienti animo hanc suam sortem ac calamitatem tolerandam esse existimauit, & vt in posterum maiori aliqua libertate frueretur, durissimaq; custodia seruitute aliquantum relaxaretur ac releuaretur, omni suo iuri ac priuilegijs, que in tribus Regnis, Ducatibus quoque Slesuici ac Holsatiae se habere existimabat, vltro ac liberrimè cedit ac renunciat, & Christiano Regi eiusq; heredibus plenissimè concedit ac resignat. Vnde vicissim ad eius sustentationem, omnes reditus ac prouentus prefecturae ac arcis Callenburg, & insulae Samso & Sebingarden illi concessi ac deputati fuerunt, hac tamen conditione, vt intra limites illius prefecturae sese perpetuo contineat, & Praefecto Regis Christiani, arcis tutela & prefecturae administratio committatur.

Ordo nouus Clero Tilmanno Praefide venit.

Praefide, quid mirum quod nouus ordo, nouo?

Non

*Non tamen Ordo nouus, potius nouus horror, auitæ
Nam iacet hoc Patrum præside Religio.*

A.C. 1541.

Hac ætate antiquata (vt iam diximus,) Veteri Catholica Religione ac Fide, Catholicisq; Episcopis missis ac abrogatis, ex Lutheranorum cœtu ac familia Tilemannus de Hussen natione Clivensis, Episcopus Slesuicensis electus ac designatus fuit. Qui Religionis ergo patria relicta, primum Hamburgum sese reccpit, inde Witebergum profectus, ibidemque sumptibus ac impensis Christiani III. Regis Daniæ, Doctor Theologiæ creatus ac renunciatus est. Hic aliquot annos Hafniæ vixit, & concionando sese exercuit, Annamq; filiam Regis Christiani III. quæ postea Augusto Duci Saxoniæ Electori nuptui data, erudiuit ac instituit. Postea vero, cum de Episcopo in locum Gotsalci de Aleuelde substituendo ageretur, Tilemannus tandem, re deliberata, ex pædagogo Episcopus Slesuicensis electus, & à Doctore Pomerano, Canonicis, & reliquis huius Ducatus verbi Ministris in ædem Diui Petri solenniter introductus fuit Anno 1541. Is occupata sede Episcopali iussu ac consilio Regis, concionando, visitando, controversias de nuptijs dirimendo, & in choro Slesuensi publicè prælegendo, sese exercuit: Psalterium postremò enarrare cœpit, in eoq; explicando occupatus, animam exhalauit. Apud Regem Christianum III. gratia & authoritate multum valebat, vsque adeò, vt in rebus ad Religionem pertinentibus, eius opera & consilio uteretur: cumq; Anno 1548. nuptiæ Ducis Augusti Electoris Saxoniæ, & Annæ filiæ Christiani III. Regis Daniæ Hafniæ celebrarentur, eò Episcopus vocatus fuit, vt eos matrimonio iungeret ac copularet. Tilemannus a. anno 50. Rege Christiano III. ita volente ac postulante Fride-

ricum

ticum Dūcem, Regis Friderici filium natu minimum, 18. annos natum in coadiutorem postulauit, & post postulationē factam annum saltem vixit. Nam pleuritide correptus atque absumentus ex hac vita discessit Anno 1551. pridie Idus Maij, Slesuici sepultus. Anno 1541. Ordinatio Ecclesiastica promulgata fuit, eaq; cautum, ut octo saltem Canonici Slesuici viuerent ac eligerentur. Quod ipsum & Rex VValdemarus ante aliquot annos centenos constituerat.

Defuncto Tilemanno de Hussen, Dux Fridericus Regis Daniæ Friderici I. filius natu minimus, Episcopus Slesuicensis electus ac designatus, post suscepsum Episcopatum in arcem Suauestedianam Episcopi sedem à Canonicis Slesuicensibus introductus fuit. Vbi aliquandiu commoratus est, vt & in Curia Slesuicensi Episcopali, quò diuertere plerunque solebat. Is cum Coloniz aliquot annos vixisset, tandem morbo affetus in Holsatiam redijt, ibidemque longo tempore grauissimè decumbens, quod tabe paulatim consumeret, tandem Chilonij moritur Anno 1556 die 28. Octob. sepultus Slesuici in tumba Regia.

Huic Friderico in Episcopatus Slesuicensis administratione successit eius Frater Adolphus, qui Fratris sui iam grauiter ac lethaliter decubentis transactione & opera, Coadiutor à Canonicis declaratus, & post eius obitum, Episcopus statim Slesuicensis electus ac designatus fuit. Duci Adolpho Episcopatus Slesuicensis cura ac administratione commissa, nihil ipsi prius ac antiquius fuit, quam vt celeberrimum ac famosum aliquem Augustanæ confessionis Doctorem, tam Episcopatui quam suis Ducatibus prouideret ac circumspiceret, cui rerum Ecclesiasticarum curam, Ecclesiarumq; directionem ac regimen committeret. Vbi imprimis summoperè ei
commen-

commendatus fuit Paulus ab Eitzen Theologæ Doctor, ex Nobilissima, Amplissima, omniumq; ferè Vetusstissima familia Hamburgi natus, quem amplissimo stipendio promisso Hamburgo euocauit, ipsumque caput & Superintendentem Ecclesiarum constituit: qui etiam apud Principem Adolphum, quamdiu vixit, in summa gratia & authoritate fuit habitus: eiusque iudicium & consilium à multis Augustanæ confessionis Doctoribus, in rebus arduis, ac grauissimis controversijs sæpiùs exquisitum ac desideratum fuit. Adolpho Principe è viuis sublato, eius quoque filij, Illustrissimi Principes ac Domini, Dominus Fridericus, Dominus Philippus, ac Dominus Ioannes Adolphus, non minori gratia, honore, ac beneuolentia, ipsum usque ad mortem sunt prosecuti. Tandem vero, postquam munere ac officio suo longo tempore fuit defunctus, ex hac vita migrauit, ac in summo Templo ac Æde Cathedrali Slesuici sepultus est, scriptis multis post se relictis, quæ extant. Huius Pauli ab Eitzen ætate, *Liber Concordiæ* in Holsatiam missus fuit, ut publica subscriptione approbaretur ab Ecclesijs eius loci, quod præfatus Paulus ab Eitzen tanquam Superintendens negauit, ac subscriptioni receptioniq; huius libri concordiæ omnibus viribus, summaque animi contentionе intercessit ac contradixit, eamque tandem impediuit. Quænam autem ipsum causæ ac rationes mouerint, quamobrem publicam libri Concordiæ, (ut vocat) approbationem ac subscriptionem omnino dissuaserit, ac in Holsatiæ & Slesuicensi Ducatis impedierit, singulari ac publico quodam Germanico scripto, palam fecit ac testatus est: quod ferè de verbo ad verbum in Latinum sermonem translatum ita habet: ex quo pius ac beneuolus Lector clarè perspiciet ac cognoscet, librum illum oblatum

tum potius Discordia fomitem ac occasionem fuisse,
quam Concordia ac paci fanciendæ inseruiisse.


Doctoris Pauli ab Eitzen, Superintendentis Hollsatii, causæ & rationes, quamobrem subscriptio libri Bergensis vel confessionis iure meritoq; recusari debeat, desumptæ ex Seuerissimo Christi mandato: Cauete vobis à falsis Prophetis, qui veniunt ad vos in vestimentis ouium, interius autem sunt lupi rapaces, ex fructibus eorum cognoscetis eos: nec non ex mandato Spiritus sancti. Nolite credere omni Spiritui, sed probate Spiritus, vtrum ex Deo sint.

Primum quoniam Iacobus Andreæ Smidlinus, sub hac confessione impium ac blasphemum suum errorem tegit ac palliat: nimurum, quod vniuersæ creaturæ cum filio Dei personaliter sint unitæ, & quod in Filio Dei Iesu Christo non alia sit diuinæ essentiæ praesentia, quam in reliquis creaturis. Qui error ex ipsis scriptis, proprijsq; eius verbis, à Theologis Hassiacis cum annotatione librorum ac designatione foliorum deprehensus ac notatus est. Quocirca nullus syncerus Theologus, verbi Diuini minister, ac Christianus, qui hoc nouit, cum illo, alisq;, qui scientes huiusmodi errorem, in detrimentum Christianorum tegere ac palliare student, vnam eandemq; fidem profiteri & subscribere potest: & qui hoc sciens prudensq; fecerit, is simul cum ipso blasphemii huius erroris, contra fidei nostræ articulum de incarnatione Filij Dei se participem facit: nimurum sanctum Dei verbum, (Verbum Caro factum est,) nullum facere discrimen inter Filium Dei Dominum nostrum Iesum. & nos miseros homines, qui æquè Deus & homo sunt: quælibet quoq; creatura, æquè Deus ac creatura sit, imo quod ipse Diabolus, æquè Deus ac Diabolus sit, ac Filius Dei, Deus & homo est. Deus clementer mihi ignoscat, quod hunc errorem tam crassè proponam.

Secundò, quoniam Iacobus Andreæ Smidlinus hac

Ff

confes-



confessione simul tegit horrendum, fœdum, ac abominandum errorem, quem anno quoque proximo 78. in urbe Salza, coram Illustrissimo ac Celsissimo Principe ac Domino Hassiae Landgrauio confessus est, nimurum, Christum per Dispensationem, quando velit, carnem & ossa assumere, quemadmodum etiam nouissimo suo aduentu sumpturus sit: propterea nemo pius Theologus, verbi Divini minister, ac Christianus, qui hoc nouerit, cum ipso & illis Theologis, qui hunc ipsius errorem, magno Ecclesiæ detrimento tegere ac silentio dissimulare student, vnam eandemq; fidem profiteri ac subscribere potest. Qui autem hoc fecerit, simul quoque cum ipso detestandi ac abominandi eius erroris contra fidei nostræ articulos se participem reddit, nimurum Dominum nostrum Iesum Christum cum vero ac proprio suo corpore ac membris, quibus ex sancta Virgine Maria matre sua natus, in cruce passus, sepultus, tertio iterum die ex mortuis non surrexisse, neque hoc suum corpus ac membra in eternum retinere, cum tamen ipse post suam ex mortuis resurrectionem discipulis suis dixerit. Videte manus meas & pedes meos. Ipsemet sum, palpate ac videte, quoniam spiritus carnem & ossa non habet, sicut me habere videtis: Item inde sequeretur. Nos quoque in extremo iudicio, cum his nostris corporibus ac membris nequaquam resurrecturos esse, neque illa in perpetuum retenturos. Qui error aperte aduersatur articulo nostræ fidei, Credo resurrectionem Carnis, & contrariatur clara ac evidenti Iobi sententiae, Scio quod Redemptor &c. Item, qui hoc statuit, facere cum Iacobo Andreæ ex unaquaque Christi apparitione post eius resurrectionem, nouam carnis assumptionem contra dictum Verbum caro factum est. Item quoniam hic error Iacobi Andreæ in effectu id dicit, nimurum Christum Iesum Dominum nostrum, nunc non habere amplius carnem & ossa, verumq; illud corpus, quod ex Maria

Maria sua matre semel assumpit, & pro nobis in ara crucis obtulit, sed carnem, ossa, hoc est, verum humanum corpus, vel veram humanam naturam assumere, quando vult. Ideo, quicunque hoc sciunt, & nihilominus eandem fidem cum illo profitentur ac subscribunt, horrendi, ac detestandi illius erroris in articulo de cœna Domini se confortes redundunt, nimirum dilectissimum Dominum nostrum Iesum, in sacra cœna non nobis dare hanc carnem, hoc est, idem corpus, eundemq; sanguinem, quem à Maria sua matre assumpit, & pro nobis in ara crucis obtulit, & de quo vero suo corpore ac sanguine in sua cœna dicit. Hoc est corpus meum quod pro vobis traditur. Hic est sanguis meus qui pro multis effunditur in remissionem peccatorum: verum, quod queuis actio cœna, sit noua assumptio carnis. Quod si itaq; hoc concederetur, nimirum Dominum Iesum Christum, post suam ex morte resurrectionem, suam carnem vel naturam humanam & corpus non retinuisse, iampridem Sacramentarij cum suis signis vicissent. Pro quo impio ac blasphemico errore Dominus noster Iesus Christus clementer nos protegat ac conseruet.

Tertio, quoniam in libro Bergensi vel confessione, quam authores eiusdem, tanquam generalem quandam censuram vel iudicium contra quosvis errores, eosq; impensis, qui sub Augustana confessione exorti sunt, haberi ac existimari volunt, quidam Brentij errores (quamvis tam à meipso quam meis dilectis confratribus diligenter huiusmodi Brentianorum errorum sepius admonitio sit facta) nihilominus tamen vna cum aliis erroribus in hoc libro nequaquam annotati, sed de industria prateriti, vel silentio approbati sunt: propterea nemo syncerus ac cordatus Theologus, verbi diuini minister, ac Christianus, qui hos errores nouit, cum hisce Bergensibus Theologis, confessioni vnius fidei assentiri ac subscribere potest. Qui autem prudens sciensq; hoc fecerit, simul quoque

horrendorum ac abominandorum errorum contra articulos nostrae fidei se participem reddit, ac hoc ipso veterum Hæreticorum, iampridem à Catholica & Orthodoxa Ecclesia damnatorum, hæretica ac peruersa dogmata, tanquam vera ac legitima iterum approbat ac recipit: qualia sunt: Angelos fuisse cum Deo ante creationem mundi, Item quod testimonio Mosis: In principio creauit Deus cœlum & terram, non satis firmiter probari posse, solum Patrem, Filium & Spiritum sanctum esse unum Deum, quandoquidem Brentius pro vero asserit ac statuit, Angelos etiam ante hoc principium fuisse & extitisse. Item, quod ex testimonio Ioannis: In principio erat Verbum, & Verbum erat apud Deum & Deus erat Verbum, nequaquam probari posse aeterna Diuinitas Domini nostri Iesu Christi. Nam si haec Brentij doctrina, tanquam vera, certa ac orthodoxa recipi ac approbari deberet, tunc illud ipsum, quo Euangelista & Apostolus Ioannes veram Christi diuinitatem contra omnes hæreticos defendit ac asserit, de Angelis quoque, imo & Diabolis oportet credere: nempe in principio erant Angeli & Diaboli cum Deo. Pro tali fide Dominus noster Iesus Christus me omnesq; probos Christianos clementer protegat ac conseruet. Item quod testimonio Ioannis, Verbum Caro factum est, non possit probari unio personalis Diuinæ & Humanæ naturæ in una Christi persona: quandoquidem Brentius in suo libro de humanitate Christi hoc docet: (cuius tamen in hoc libro Bergensi, postposita mea dilectissimorumq; meorum confratrum fideli admonitione, nulla sit mentio ac commonefatio,) nempe: quod quilibet suo modo ac ratione, aquæ ac Dominus noster Iesus Christus consistat ex diuina & humana natura indiuisibiliter. Item quod neque Cœlum, neque infernus, sint certa aliqua & distincta loca, & quod cœlum ponere sursum in Excelsis, infernum autem hic deorsum, sit res merè conficta ac commenta, que nunquam fuit neque unquam erit. Nam haec sunt ipsissima Brentij verba in eius libro

libro antea memorato. De qua re ego & mei dilectissimi confratres in resolutione super Torgauensi deliberatione fideliter monuimus. Quemadmodum & Hassiaci Theologi hæc ipsissima Brenty verba ex eius libro Germanico 125. & 128. foliis, diligenter annotarunt, vbi inter cetera scribit: cælum, in quod Christus ascendit, ita comparatum est, ut in eo non solum Angeli ac Sancti homines, verum etiam Diabolus eiusq; Angeli illic præsentes sint, imo quod ipse Sathanas & infernus in Regno cœlorum sit. Præterea quoque Iacobus Andreæ, & eius consortes Theologi, in priori suo Torgauensi consilio ac deliberatione, hunc errorem, nimirum, cælum non esse certum ac definitum locum, expresse posuerunt, & eidem subscribi curarunt. Quod dogmate negantur articuli Fidei nostræ Christianæ: nimirum, Christum descendisse ad inferos, & ascendisse in cœlos, vna cum testimoniosis sacrosanctæ Scripturæ de cœlo & inferno: nec non cum clarissimo Christi ditto: Vidi Sathanam tanquam fulgur de cœlo cadentem, testimonio quoque Apocalypses Ioannis: Sathanam nimirum cum suis Angelis projectum esse, & locum eorum non amplius repertum esse in cœlis. Quod, si itaq; hæc omnia sub noua hac confessione tanquam vera reciperenetur ac probarentur, nullus certè in posterum pius ac fidelis ludimagister, & Ecclesiæ Doctor, discipulis ac Ecclesiæ suæ articulos fidei sano & simplici sensu exponere audebit, quin statim pro fanatico habeatur: imo hac ratione omnes Christiani hæretici habebuntur, qui sano & simplici sensu fidem suam quotidie profitentur. Hac ratione quoque veteres illæ Origenianorum, & Ioannis Hierosolymitani hæreses, ab Hieronymo iamdudum confutatae, à Brentio iterum redintegratae ac interpolatae, pro veris ac legitimis (quod tamen Deus benignè auertat) reciperenetur ac approbarentur, contra articulos nostræ Fidei de Resurrectione Domini Iesu Christi, & nostra in nouissimo



die resurrectione cum vera nostra carne , corpore & membris . Quia etiam alioquin à Brentio nonnullæ inusitate , ac insolentes locutiones , nouæq ; disputationes in suo libro propositæ ac introductæ fuerunt , quas tamen (vt appareat) Iacobus Andrea , huic libri commendatione appræbare ac defendere videtur : quo circa pius quilibet ac prudens Theologus diligenter hanc rem secum expendat ac meditetur , ne priusquam de inusitatibusmodi locutionibus ac disputationibus synodaliter iudicatum ac collatum fuerit , huic confessioni subscribat .

Quartò , quoniam Iacobus Andrea cum suis consertibus Theologis , noua hac sua confessione , periculosem admodum , veteriq ; in Ecclesia hactenus inusitatum processum , agendiq ; modum , perniciose exemplo ac consequentia inuehere ac introducere conatur , nimirum , quod sex Theologi , qui partim hæresibus sunt infecti , partim scientes ad eas conniuent , modo hic modo illuc conueniant , & tanquam Dictatores fidei nouum hunc suum librum cudent ac recudant , eundem postea per plenariam quasi potestatem , sine synodali iudicio , (quod summoj erè metuunt ac fugiunt ,) passim proponant , eiusq ; subscriptionem à quovis Theologo , Ecclesiæ ministro , & ludimagistro postulant ac requirant , omnesq ; qui hanc subscriptionem recusant , confessim sine discriminē in suspicionem occultarum ac clandestinarum hæresium ac errorum omnino adducere conantur . Quamobrem nemo pius ac probus Theologus , Prædicator & Christianus , cum Iacobo Andrea eiusq ; confortibus Bergensi huic libro vel Confessioni bona conscientia subscribere potest , qui autem hunc illorum processum , agendiq ; modum nouit , & nihilominus sciens cum illis vni eidemq ; Confessioni subscribit , is simul cum illis omnium peccatorum , persecutionum , sanguinisq ; profusionum , quæ ab initio vsque ad finem mundi , per huicmodi processus agendiq ; modos in Ecclesia contigerunt ,

&

& in posterum quoque euident, seipsum reum ac par-
ticipem facit. De quo duo tantummodo breuitatis cau-
sa exempla in medium adferam. Prius describitur in li-
bro Prophetæ Ieremias cap. 18 hisce verbis. Dixerunt
venite & cogitemus contra Ieremiam, &c. usque ad
vniuersos sermones eius, &c. Posterius Exemplum
est Eutychiani hæretici Dioscori, in altero cruen-
to ac sanguinario Concilio Ephesino: quæ Conciliij hi-
storia meritò hoc tempore probè attente ^{et} consideran-
da, & cum Iacobi Andreae, eiusque consortium consiliis ac
institutis conferenda. Erat id temporis Eutychianus
quidam Episcopus Diocorus, qui apud Imperato-
rem Theodosium summoperè laborauit ac contendit,
tandemque impetravit, ut aduersus primum sacrosanctum
ac verissimum Ephesinum Concilium, aliud longè di-
uersum in eadem Ciuitate Ephesina indiceretur ac ha-
beretur. Quoniam autem summoperè verebatur, ut suum
hoc consilium ac propositum ex animi sententia succede-
ret, si omnes Episcopi ac Doctores simul libero animo nul-
lius gratiam ac odium verente conuenirent, ideo pri-
mùm vnum post alium alternatim per particulares sub-
scriptiones in suas partes pertraxit. Postea valida ac ar-
mata manu, militumque copijs instructus ac stipatus, Con-
cilium suum indixit, in quo pius, probus ac syncerus Epi-
scopus Constantinopolitanus Flavianus, qui se illi op-
poneret, pedibus conculcatus ac iectus fuit, ut triduo post
animam exhalaret. Breui autem postea contigit, ut mul-
ti huiusmodi subscriptorum maximo dolore cordis contri-
ti delictum publicè confiterentur & pœnitentiam agerent.
Tum benignissimus quoque Deus gratiam clementer con-
cessit, vt proximus Imperator Martianus Sacrosan-
ctum Concilium Chalcedonense indici ac conuoca-
ni offerit, in quo à Trecentis & sexaginta Episcopis &
Doctoribus, Eutychie & Diocoro suorum errorum

ac hæresium conuictis ac condemnatis, sincera fides ac Religio contra omnes hæreses iterum confirmata ac sancta fuit. Ut vero quilibet perspiciat, nihil hic quicquam præter veritatem à me proponi, ideoq; Leonis Primi, qui id temporis adhuc in viuis fuit, cuiusque Legati huic consilio interfuerunt, propria verba ex eius Epistolis huc referam. Ita scribit Leo ad Imperatorem Theodosium: Dum priuatæ causæ Religionis exercentur, obtenu commissum est, impietate paucorum, quod vniuersam Ecclesiam vulneraret, &c. In hanc sententiam scribit quoque de Dioscoro in Epistola ad Ecclesiam Constantinopolitanam & ad Athanasium Episcopum Thessalonicensem. Præterea quoque ardentiſmis ac humiliſmis precibus Imperatorem Martianum obfecrat, ne Nicænum Symbolum vlla ratione in dubium vocari ſinat, quemadmodum & hodierno tempore multorum piorum & constantium Euangeliū ministrorum propter Augustanam confessionem, anxiæ ac ardentiſſimæ preces ac flagitationes ſunt. Et ad Imperatorem Leonem literæ eius ita ſonant. Detestandum nobis est, perſeueranterque vitandum, quod fraus hæretica nititur obtinere, &c. vsq; ad &c. ne patiatur sacrilega simulatione de fide agere, quos conſtat à fide deuiare. Hæc ſunt singula Leonis verba. que à quoquis Christiano diligenter conſideranda ac perpendenda ſunt.

Præter has rationes iam commemoratas, illud quoque insuper diligenter attendendum ac conſiderandum, num etiam conducat atque expediat, per generalem subscriptiōnem, nouam ac recentem aliquam confessionem acceptare: id enim non ſolum apud Fidei ac Religionis noſtræ hostes magnam iubilationem concitaturum, verum etiam p̄ijs ac ſimpliſib; Christianis multas diſſiciles, ac grauiſſimas dubitationes, de veritate Augustanae confessionis præbiturum eſſe, multiq; fidelibus, qui propter conſtantem eius

C0428

confessionem, magnam crucem ac calamitatem sustinuerunt, & nihilominus per Dei gratiam firmiter & constanter in ea perseverarūt, pieq; ac beatè in Domino obdormire cupiūt, magno hanc rem offendiculo ac detimento fore: summopere quoque verendum esse, ne hac ratione Nomen Augustana confessionis vna cum sincera doctrina, fide ac religione prorsus perdamus ac amittamus, nouumq; aliquod nomen à Bergensi confessione iterum recipiamus. Et, num ne etiam in Romano Imperio, magna mutatio rerum politicarum, qua super Augustanam confessionem fundatæ ac stabilitæ sunt, cum nouis ac ingentibus Christianorum persecutionibus inde metuenda ac timenda sit, cuilibet melius ac rectius hāc rem intelligenti ac perpendenti iudicandum relinquo: magnas autē contentiones & discordias inter Doctores in scholis & Ecclesiis, tam nobis viuentibus, quam post nostrum obitum, inde exorituras esse, nullum est dubium. Quapropter id monere me oportet, quod proximo anno 70. in colloquio Zeruestano certissimis ac grauiissimis de causis decretum ac statutum fuit: nempe in Veteri Augustana confessione, apologia, Smalcaldicis articulis, Catechismo Lutheri, firmiter permanendum esse, neque consultum fore nouam confidere ac cedere confessionem. Quod tunc temporis in hoc negocio rectum ac iustum habitum ac iudicatum fuit, id nequaquam in eadem causa nunc irritum ac iniustum dici aut pronunciari debet.

Quod insuper particolare ac speciale iudicium de libro hoc Bergensi vel confessione, vniuersisq; ac singulis eius articulis attinet, hactenus cum dilectissimis meis fratribus, hac de re conferre nolui, eam imprimis ob causam, quod liber iste, per Serenissimum Regem Daniae, & Illustrissimum ac Celsissimum Principem Slesuici & Holsatiae, Dominos meos Clementissimos, ad communem Theologorum deliberationem, nobis nunquam traditus ac commendatus fuerit, idq; proculdubio Christiano ac pio consilio factum, ne Ecclesia hisce tranquillis

ac pacificis (pro quo beneficio merito Deo gratiæ agende)
 ansa & occasio præberetur , vt Christiana pax ac concordia
 in discrimen veniret , ac dirimeretur Propterea neque me,
 yllumve alium decere voluit , citra peculiare & expressum
 mandatum Serenissimæ Regiæ Daniæ Maiestatis ac Illustris-
 simæ Celsitudinis mandatum , communemq; Theologorum de-
 liberationem præjudicialiter hac de re Censuram ac iudi-
 cium ascribere. Ad huiusmodi quoque iudicium ac Censuram ,
 ubi non solum quilibet articulus , sed singula quoque senten-
 tie ac verba diligenter ponderanda ac trutinanda sunt , om-
 nino correctum ac emendatum exemplar requiritur. Quod si
 vero liber hic vel confessio Bergensis , prout nobis oblata est ,
 ita imposterum typis diuulgetur , tum mihi omnibusq; pijs ac
 probis Theologis ac verbi diuini ministris , iure meritoq; iu-
 dicium secundum normam ac regulam verbi diuini integrum
 ac liberum reseruabitur. De quo etiam hic protestor. Atta-
 men moneo ac obtestor quam fidelissime per Dominum Iesum
 Christum , Christianos , Pios , Religiosos , Laudatissimos Electo-
 res ac Principes , qui hunc librum pio Zelo ad Dei gloriam &
 Ecclesiæ emolumentum ita serio sibi commendatum habent ,
 vt nihil ulterius in hac re agant suscipiant q; , priusquam to-
 tum hoc negotium , synodaliter per literas , sententias & iu-
 dicia Theologorum , vel alias in præsentia , per literas , colla-
 tiones , & colloquia Theologorum non solum viuis partis , sed
 etiam eorum , qui multis ac synceris causis adducti , eius sub-
 subscriptionem recusant , diligenter examinatum ac iudicatum
 fuerit. Ne vero , vllus syncerus ac probus me , aut quemuis
 meorum confratrum in suspicionem adducere posseit , quasi
 aliquem vel minimum errorem , denegatione huius subscrip-
 tionis occulto foueremus , vel hac ratione Sacramentarijs ,
 aliisve haereticis aliquo modo gratificari vellemus : ideo postea
 adiiciam formulam nostri iuramenti , quod quilibet Chris-
 tianus attentè diligenterq; considerare ac perpendere debet .
 Tandem , quemadmodum antea in timore ac in vocatione

Dei,

Dei, bona ac salua conscientia pollicitus ac professus sum, causas hasce denegatae ac recusatæ subscriptionis, non solum coram huius libri authoribus, sed vniuersis & singulis, vbi hoc mihi mandatum ac imperatum fuerit, solidis ac firmis fundamentis in nomine Domini, meo ipsius periculo, certissima spe ac fiducia auxiliij & assistentiae Altissimi firmiter me defensurum esse, ita adhuc promptum ac paratum in nomine Domini nostri Iesu Christi me offero, speroq; vbi necessitas postulauerit, mihiq; à Clementissimis Dominis meis imperatum ac mandatum fuerit, vnicuiq; Authorum huius libri, vel cunctis ac vniuersis coniunctim, vel toti Theologicæ Societati bona conscientia, spe ac fiducia firma auxiliu ac præsidii benignissimi ac fidelissimi Domini, abunde satisfacturum, neminiq; quicquam concessurum, sed collato pede fortiter ac animosè cum eo congressurum esse, prout etiam res ceciderit, siue ad restim, siue ferrum, siue ignem siue aquam. Ego præter hanc meam ardentissimam ac assiduam ad Deum precationem, fidelemq; admonitionem ac cohortationem nihil quicquam amplius in hoc negocio efficere ac prestare possum. Fidelis Dominus Iesus bene iuuabit, neque propriam hanc suam causam ac ministros derelinquet. Ipsi honor & gloria in sempiternum.

Paulus ab Eitzen Senior.

Quoniam vero in hac Doctoris Pauli ab Eitzen apologia, simul quoque Solennis Iuramenti, quod omnes ministri Ecclesiæ in Ducatis Slesuici & Holsatiæ præstare tenentur, mentio est facta: ideo quoq; illius formulam hic inserendam esse putaui, quod ferè de verbo ad verbum è Germanico idiomate translatum, ita sonat: in qua Iuramenti formula illud imprimis diligenter obseruandum, quod reiectis alijs erroribus ac hæresibus, vt Anabaptistarum, Sacramentiorum, Caralstadianorum, Zwinglianorum, Caluinistarum, Bezaitarum, &c. Antiquæ ac Auitæ Catholicæ Religionis ac Fidei nulla fiat

mentio.

mentio, nedum ut illa vna cum alijs sectis ac hæresibus tanquam impia ac erronea hac iuramenti formula damnetur ac repudietur : quin potius eadem tanquam vera, syncera, ac orthodoxa, laudatur ac approbatur, vt, quæ cum veritate Sacræ Scripturæ, Sancto Apostolico Symbolo, reliquisque à Catholica Ecclesia receptis ac approbatis veris Symbolis, (quæ in hoc iuramento, Fidei ac Religionis præcipuum fundamentum ac regula constituuntur, vnde & de ipsa Augustana confessione, eiusdem Apologia, scriptis que Lutheri, quæ postea in hac Iuramenti formula sequuntur, decerni ac iudicari debet) consentit ac concordat. Quāobrē vi ac tenore huius Iuramenti, nemo aliam Religionem tanquā Orthodoxam, verā ac sinceram approbat, quam imprimis Catholicā & Apostolicā, neq; ad aliam vel confitendam, vel publicè prædicandā se iuramēto hoc obligat ac obstrinxit, q; quæ primariò cum veritate sacrarū literarum, & in Ecclesia receptis ac approbatis Symbolis consentit. Quare, qui vel docentibus vel discentibus nouam aliam ac peregrinam, vel violenter vel fraudulēter obtrudunt ac insinuant, contra mentem Spiritus sancti, verumque scripturæ intellectum, in approbatis ab Ecclesia symbolis declaratum ac manifestatum, vim faciunt conscientiæ, ac fraudem huic iuramento.

Ego N. Prædicator sancti Euangeli, ordine ac legitimo modo per voluntatem Dei accersitus & vocatus, iuro per sanctum Nomen Dei, & Redemptoris mei Iesu Christi, quod Sancta Diuina Biblica scripta, in omnibus punctis, articulis & verbis, vera esse credam ac statuam. Secundo, quod sanctum Apostolicum symbolum, & reliqua vera symbola à sancta Catholica Ecclesia approbata ac recepta, verissima quoque esse, sentiam ac credam in omnibus articulis nostræ fidei Christianæ, & ita quoque in articulo

ciculo de indiuisibili vnione duarum naturarum diuinae &
humanae in vna indiuisa Christi natura: quam inseparabilem
vnionem nullum tempus & locus in aeternum soluere ac diri-
mere potest. Tertio , quod Augustanam Confessionem
Anno 1530. conscriptam, vna cum Apologia, Smalcaldi-
cis articulis, & utroque Catechismo sancti Patris &
Doctoris Martini Lutheri , vera esse credam ac sta-
tuam Quarto imprimis, quod verba Domini ac redemptoris
mei Iesu Christi, in sacrosancta sua cœna & testamento, nēpe.
Hoc est Corpus meum q̄ pro vobis traditur. Hic est
sanguis meus noui Testamenti, qui pro multis effun-
ditur in remissionem peccatorum, verissima esse credam
ac sentiam, in simplici vero intellectu clarorum verborum,
nempe, quod verum ac substantiale corpus mei redemptoris
Iesu Christi, quod pro me in mortem crucis datum est, ac ve-
rus ac substancialis sanguis mei redemptoris Iesu Christi, qui
pro me effusus est, in sacra cœna verissimè sint præsentia, &
reueras dispensentur in omnibus mundi locis, vbi cœna secun-
dum iustificationem Christi celebratur: simul quoque ab om-
nibus hominibus, qui in Christiana Ecclesia mensam Domini
accedunt, verissimè percipientur, prout verba Christi sonant.
Accipite & manducate, Hoc est corpus meum, quod
pro vobis traditur. Bibite ex hoc omnes. Hic sanguis
est noui testamenti, qui pro vobis & multis effundi-
tur in remissionem peccatorum. Item, vt Apostolus Pau-
lus quoque dicit, quod panis cœnæ sit communicatio
corporis Christi: & Calix benedictus sit communica-
tio sanguinis Christi: hoc est, qui panem benedictum cœnæ
accipit, simul quoq; accipit verum corpus Iesu Christi, & qui
benedictum Calicem accipit, verū quoq; sanguinem Iesu Chri-
sti, Fideles ad sui vunionem cum Christo Iesu, & aeternam sa-
lutem, infideles ad iudicium: quemadmodum hæc doctrina de
venerando hoc Sacramento declarata est in Augustana con-
fessione, apologia, Smalcaldicis articulis, & utroque cate-
chismo

ticulo recta & vera esse credo ac existimo, & hoc Sacramen-
to me obligo, quod per auxilium & gratiam Dei, veram hanc
& simplicem de sacra cœna doctrinam, Ecclesiæ mihi com-
missæ fideliter, incorruptè ac inuariatè proponere, eamque
vsque ad mortem docere velim.

Quinto, quod omnes falsas doctrinas ac errores omnium
eorum, qui à veritate Sanctæ scripture, & sancto Apostolico,
reliquisque approbatis ac receptis veris symbolis, tum quoque
à pura ac vera doctrina Augustana cōfessionis, Apologia, Smal-
caldicis articulis, & Lutheri Catechismo discedunt, & con-
tra illam doctrinam nouas & confictas opiniones, errores, fal-
sas & pernicioſas expositiones, in quouis puncto & articulo
proponunt, ad puram hanc doctrinam corrumpendam, san-
ctam fidei unitatem dissoluendam, & simplices in fide sedu-
cendos, vero ac iusto zelo ac odio persecuti, reuicere ac con-
demnare, neque vñquam illis sectis, quocunque etiam modo
appellari possint, vel clam vel palam adhærere ac assentiri ve-
lim.

Sexto, & imprimis, quod Anabaptistarum & Sacra-
mentorum violatorum, Caralstadianorum, Zwinglianorum,
Caluinianorum, Bezaitarum, quocunque nomine vel nunc
vel in posterum appellari possint, blasphemam doctrinam cō-
tra necessitatem baptismi, & efficaciam sacri baptismi, &
contra veram præsentiam, communicationem & acceptio-
nem veri substantialis corporis & sanguinis Christi in sacra
cœna, vbi illa per totum orbem terrarum in Christiana Eccle-
sia secundum Christi institutionem administratur ac cele-
bratur, pro iniusta, falsa, mendaci ac pernicioſa habeam &
agnoscam, & propterea pio ac iusto zelo ac odio persecuar,
reuiciam ac condemnem, cætumq; mihi commissum, pro do-
nis mihi concessis, per gratiam & auxilium Spiritus sancti
diligenter ac fideliter vsque ad extreum vitæ finem, de hu-
iusmodi erroribus fugiendis ac cauendis monebo, neque vñ-
quam blasphemæ huiusmodi Societatis, vel clam vel palam,

me

me participem faciam, neque periculose multorumq; scandalum ac offendiculum, vbi necessitas illis contradicendi non requirit, de huiusmodi sacramentariis, blasphemis, aliisq; perniciosis erroribus coram laicis non disputabo: verum immutabilem ac verissimam doctrinam ac fidem, de veritate ac omnipotentia Domini nostri Iesu Christi, & de indiuisibili vnione diuinæ & humanae naturæ in una indiuisa Christi natura, & vera ac substantiali præsentia veri Corporis ac sanguinis Christi in sacra cœna, per Dei Gratiam & Spiritus sancti auxilium firmiter conseruandam ac propagandam curabo. Hoc omne iuro sine ullo fuko ac dolo bona conscientia, quam verè me Deus adiuet.

Hac ætate vixit Paulus Cypræus, Iuris utriusque Doctor, Nicolao Cypræo, Consule Slesuicensi natus Anno à seruatore nostro millesimo quingentesimo trigesimo sexto: vt ipsemet Natalem hunc suum versibus mandauit.

Mille & Quingentos, & sex conuerterat annos,

A nato Titan, bis tria lustra Deo.

In vitam ut veni, charæ geneticis ab aluo,

Expletis partus mensibus atque die.

Quod si forte diem cupias cognoscere, sextus

Decimus Aprilis hic, ut opinor, erat.

Tempora quo toto celebrant Paschalia mundo

Christiadum Domini gens memor alma sui.

Hora, qua dubiæ nocturna crepuscula lucis

Fallere vigiliæ lumina nostra solent.

Hic itaque præfatus Paulus Cypræus, cum in Patria Slesuiga, bonis literis, ac moribus probè exultus ac imbutus esset, tandem, ut maiores ac luculentiores studiorum bene feliciterq; cœptorū progressus ficeret, exteris quoq; adire Nationes cœpit, & primū omniū

ad

ad celeberrimam ac famosissimam Academiam Lon-
niensem se contulit, vbi cum præstantissimis ac cele-
berrimis quibusque omnium facultatum Professori-
bus innotuisset (quorum literæ post eius illinc disces-
sum magno numero ad ipsum datæ adhuc in nostra
Bibliotheca extant ac asseruantur) triennijque illic
spatio, Iurisprudentiæ, rerum politicarum, aliarumq;
artium ac linguarum præclarum fundamentum ie-
cisset, inde ulterius in *Angliam* concessit, ibidemque
triennij, plus minus, spatiū commoratus clarissimas
eius Regni Academias invisit ac frequentauit. *Londinū*
tandem Angliæ Metropolin accessit, ibidemque in
Regia bene versatus, Nobilissimis, Amplissimis ac
Spectatissimis Regni Proceribus, Aulæque Officiali-
bus ac ministris gratus atque acceptus fuit: imprimis
vero Nobilissimis ac Clarissimis Dominis *Armigillo Va-*
de Anglia Legato, Domino in Hemstede (in cuius familia
ac contubernio vixit) nec non *Iusto Iona Magni* sigilli
Secretario, alijsque Viris Amplissimis, qui in rebus ar-
duis ac grauissimis eius opere ac consilio sapienter
fuerunt, frequenterque post eius abitum literas ad ipsum
dederunt. Ex Anglia porro in *Galliam* profectus est,
ibidemque Aduocatus Nationis Germanicæ à supre-
mo iudicio (quod Parliamentum vocant) constitu-
tus, integrum quinquennij spatiū in Academia *Au-*
relianensi transegit, diligentemque operam studio Iu-
ris, tam priuatim illud profitendo, disputationibus
studiosos exercendo, quam etiam causis publicè agé-
dis, librisque Iuridicis componendis, impendit ac na-
uauit: vbi inter cætera Commentarios quoque in Le-
ges Patrias siue Slesuicenses conscripsit ac elaborauit,
quos publico testimonio ac elogio Eximus ac Cele-
berrimus *Ictus Guilielmus Fornerius Antecessor Aurelius*
lib. 2. Select. pag. 74. hisce verbis commendauit ac pro-
bauit,

bauit, dum inquit. Et hoc acutus vir vidit Paulus Cypræus
Slesuicensis, auditor Aureliae, cuius immortales in Patrias
leges commentarios expectamus. Quem tractatum manu-
scriptum præfato Gulielmo Fornero commendatū
Nobilissimus ac Amplissimus Dominus Bongarsius, Ré-
gis Galliarum in Germania Legatus, amicus dum vixit
Parenti meo summus ac intimus, post obitum Paren-
tis cum honorificentissima ad hæredes epistola, ex
Galliis in Patriam nostram remisit, qui & suo tempo-
re in lucem prodibit. Transanctis autem aliquot an-
nis Aureliae, tandem honore ac gradu Doctoratus il-
lic insignitus ac decoratus fuit. Quem honoris ac di-
gnitatis gradū, postquā Aureliae summa cum laude est
consecutus, Italianam porro & Hispaniam transiuit ac
peragravit. Cōfecto tandem studiorum curriculo in
Academijs, egregiaque ac ferè absolutissima omnium
linguarū, Latinæ, Græcæ, Hebraicæ, Chaldaicæ & Sy-
riacæ, quæ quasi ad vnguem ipsi notæ fuerunt (vt in
omnibus istis linguis scripta ac literæ ad Clarissimos
ac Doctissimos viros in nostra Bibliotheca adhuc ex-
tant) nec non exoticarum ac peregrinarum, Gallicæ,
Anglicæ, Italicæ ac Hispanicæ eximia ac fermè admi-
randa notitia ac cognitione sibi comparata, (vt & eius
rei clarissima, varijs nimirum ac diuersis literis omni-
bus istis linguis ad diuersas nationes ac populos con-
scriptis, documenta ac testimonia in nostra Biblio-
theca adhuc reperiuntur ac conspiciuntur) vnà cum
exquisitissima iuris scientia, cuius iampridem in Gal-
lia præclara specimina ediderat, sibi acquisita, saluus ac
incolumis tandem in Patriam est reuersus. Quòd cum
ventum, ab Illusterrimo Principe ac Domino, Domino Adol-
pho, Duce Slesvici & Holsatiæ, Stormariæ ac Dithmarsiæ,
Comite in Oldenburg & Delmenhorst, Laudatissimæ memo-
riæ, in numerum Consiliariorum electus ac cooptatus

Gg

fuit.

fuit. Post cuius obitum, eius quoque filij, Illustrissimi
Principes ac Domini, *Dominus Fridericus, Dominus Phi-*
lippus, & Dominus Iohannes Adolphus non minori Gratia,
fauore ac clementia ipsum usque ad mortem prose-
cuti sunt. In quo demandato sibi munere ac officio
talem se praestitit, ut eius opera & consilio in arduis ac
grauissimis negotijs, multisque legationibus ad Po-
tentissimos Hispaniarum ac Daniae Reges, aliosque Ger-
maniae Principes, Status Hollandiae, ac Imperiales Ci-
vitates, obeundis ac perficiendis, praeclarè ac lauda-
biler fuerit usus: *Gymnasio* quoque olim Slesuici ere-
cto prefectus, iura publicè illic docuit ac professus est,
ita, ut quamdiu vixerit, toti Patriæ illustre decus ac or-
namentum fuerit. Saepius aliò imprimis à Rege Da-
niæ ad honorificentissima munera ac officia obeun-
da, amplissimo stipendio fuit vocatus ac accessitus: ut
literæ Nobilissimi ac Spectatissimi viri Domini Arnol-
di Vitfeldij Regni Daniæ Cancellarij, hac de re saepius
ad ipsum scriptæ, clarè edocent ac testantur. Obertus
quoque Giphanius ICTus Celeberrimus, cum quo in
Gallijs, aliisque locis quam coniunctissime vixerat, de
ipso in Aulam Cæsaris transferendo, summoperè la-
borauit ac contendit, ut literæ eius adhuc clarè indi-
cant ac testantur: sed Patriæ assuetus, multisque exant-
latis laboribus ac peregrinationū difficultatibus fra-
ctus ac debilitatus, ægro ac infirmo corpore, solum
vertere Patriaque emigrare, è re atque usu suo non
fore iudicauit. Tandem etate ac senio confessus, post-
quam annos 73. natus esset haç mortali vita excessit,
& in Æde Cathedrali ante Altare terræ mandatus fuit,
erecto ipso illic Epitaphio, quod & ipse viuens adhuc
composuit.

Cretus humo Cypræus humi hic in puluere puluis.

Dormio & expecto, postremi Classica flatus.

Cer-

*Corpo're sed tantum, putrida nam carne' solutus
spiritus ad Dominum redit, cœlog' receptus,
Numinis aspectu' fruitor, viuitq' fruendo.*

Monumentum literarum edito tractatu de Iure Con-nubiorum posteritati reliquit: qui & hasce historias E-piscoporum Slesuicensium scribere incepit; quæ iam à me Iohanne Adolpho Cypræo, eius filio, continuatæ, au-ctæ ac locupletatæ, in Dei Gloriam, Vnius Veræ, San-ctæ Catholicæ & Apostolicæ Ecclesiæ utilitatem ac comodum, Patriæque decus ac ornamenti' editæ ac diuulgatæ fuerunt. Pro quo opere ac labore felici-ter confecto, omnium bonorum Authori Domino nostro Iesu Christo, eiusque Sanctissimæ ac Glorio-sissimæ Matri, Virgini Mariæ sit perennis ac immor-talis laus & gloria Amen.

Nonnulla in Genealogia omissa ac neglecta fol. 5:
post verbum Consors: Gotfridi Regis Liberi fuerunt Olaus
Tertius Rex Daniae (de quo postea. N. Siuardi Regis Nor-viegiæ coniunx. Item f. 46. post verba in Ordinem relatus.
Haraldi filij sunt. Harquin. qui cū excellentissimæ indoli
habitu, & felicissimæ naturæ incrementis, fratris fulgorem
obscurauerat, Sembo's aggressus est, & ijs potius, maribus ne-
catis, fœminas eius militibus nubere coegit, qui rescissa dome-
sticorum matrimoniorum fide, suam cum hoste fortunā par-
titi sunt: alter filius Suenotto Rex Daniae (de quo postea.) Item
eodem fol. post verba Roschildiæ sepult. Liberi Suenotto-
nis Thyra, Olaø Regi Noruegiæ quidem sponsata, at Gode-vino Anglorum Satrapæ nupta. 2. Margareta cognomento
Estritta. 1. Richardo Normaniæ praefecto 2. Vlfoni (de eius stir-
pe & origine vix verisimilia narrat saxo Grammaticus, qui
à Canuti 2. ministris ob cantationes ironice decantatas oc-
citus) nupta. 3. Canutus vel Magnus Rex Daniae (de quo po-
stea.) Item fol. 85. post verba Ottoniæ sepultus. Liberi
Canuti 2. Sueno (de quo postea) 2. Canutus Rex Daniae (de

quo postea) 3 Haraldus Angliae administrator per tres annos, post mortem Patris electus an. 1037. Obiit an. 1039. 4. Eduardus partem Regni adeptus. 5 Marina Vdoni Regi Oboトリorum. 6. Agatha Eduardo Duci Angliae nupta 7. Gunilda Hinrico 3. Conradi I. vel Saliqui Imperatoris filio nupta an. 1035. f. 98. post vestra obiit an. 1074. Liberi Suenonis Estrij: Nicolaus Bonus Rex Daciae (de quo postea) Gormo, Emund, Biorn, Omund, Magnus, Bent cum fratre Ottone vna occubuit, Harding filium habuit Robertum, Vbbo modeste Regni sarcinam declinans Nicolao detulit an. 1103. Sueno cum maximis itineribus ad in augurationem festinaret, in itinere mortuus anno. 1106. filium habuit Henricum, Ericus Tertius Bonus, Rex Daniae (de quo postea) Olaus 4. Rex Daniae (de quo postea) Syritta Godscalco Oborito nupta, quorum filius Henricus cum Nicolao Rege Daniae belligeravit an. 1065. Inger Olai Regis Norvvegiae consors. S. Canutus 3. Rex Daniae (de quo postea. fol. 115. post verba anno. 1102. Erici Tertiū liberi. Haraldus ex concubina natus, cum Roschildium ex Haraldburg aſſiduis vexaret incursionibus, à fratre Erico capitali affectus est suppicio an. 1116. Ericus 4. Rex Daniae (de quo postea) S. Canutus Dux Slesuic. (de quo postea. Anna Harquino nupta, vnde Ericus 5. Rex Daniae, Lam dictus, (de quo postea) fol. 126. post verba anno 1335. Liberi Nicolai Regis 1. Magnus Rex Gothie (de quo postea. Ingo effrenis equi lascivita excussus interiit. fol. 131. post verba Ringstedij sepultus. Sancti Canuti liberi Waldemarus 1. Dux Slesuicēsis, &c. Christense Magni Regis Norvvegiae: Pernille Pribislai Regis Vandalarū, Iuditta Bernhardi Saxoniæ Electoris consortes Ericus Rex Daniae, &c.

Errata quædam Typographica, cætera Lector emendet.

Fol. 5. lin. 5. obætritis pro obotritis, fol. 55. lin. 6. à fine, Marcum Frimus pro primus, fol. 65. lin. 8. à fine qui pro quæ, fol. 68. lin. 2. opere pro operæ, fol. 76. lin. 10. à fine efficiebatur pro effici, fol. 88. lin. 18. anguria pro angaria fol. 146. impulsua pro impulsus, fol. 288. lin. 12. tute, lam pro tutelam, fol. 384. lin. 5. à fine Et me pro Et de me. f. Item lin. 5. à fine s̄xpius me pro à me, IN^a